



Secretario di Estado Zsolt Szabó ta confirma su salida



Pagina 3

- **Hulanda:
Gabinete ta
renuncia**

Pagina 8

- **Awe tardi hues
ta dicta su
veredicto den
caso De Meza
contra DIMP**

Pagina 3

- **Meta ta firma
acuerdo
di energia
nuclear pa
necesidadnan
di AI**

Pagina 16

Un cacho den mal estado a ser rescata




Pagina 2

Legislatura di Ecuador ta sostene reforma cu ta permiti basenan militar stranhero



Pagina 10



Huesnan na ICC ta aproba prome audiencia den ausencia tocante Joseph Kony

Pagina 23

Un cacho den mal estado a ser rescata *Pero un cantidad interminable ainda mester di ayudo*

Inicio di e siman aki, Bon Dia Aruba a publica un articulo tocante un ciudadano cu a haya un cacho den hopi mal estado na un tereno na Catiri. Dialuna, e persona aki, N.M. a bay busca e cacho pa dun'e ayudo, pero no a logra haya esaki na e lugar mas, y a nota cu e doño a laga haci e tereno limpi.

Bon Dia Aruba a tuma contacto cu N.M. pa puntra con a para cu e cacho aki, cu a hala hopi atencion den comunidad. N.M. a bisa cu finalmente a logra haya e cacho. "E cacho a wordo haya, el a bay veterinario y ta hayando su tratamiento necesario," N.M. a confirma.

Mientras cu e cacho aki tabata asina afortunado di keda rescata y ricibi e atencion veterinario necesario, e situacion di hopi animal na Aruba ta sumamente precario.

Den ultimo simannan so, tin un cantidad enorme di caso di maltrato y abandono cu a keda reporta na Aruba, sin conta e cantidad di cacho cu ta ser laga riba caya pa nan cuenta den solo, calor, purga y carpata, sin awa ni cuminda, y den peliger di bira victima di trafico of di persona cu mal intencion.

"Bait Dog"

Un caso hopi tristo ta un cacho di caya, Blanquita, cu ta sterilisa y tin microchip. Un señora tabata cuida e cacho aki cu hopi amor, mientras e tabata purba di yega na un manera pa pone muraya rond di su cas pa tuma e cacho



Puppy rescata na Sero Patrishi

aden. E señora a cuida e cacho durante dos luna, hunto cu otro dos cacho macho.

Sinembargo, awo e cacho aki diripiente a desaparece. Tin hende ta sugeri cu e cacho aki a ser tuma como "bait dog" pa hende cu ta organisa pelea di cacho, pasobra e cacho aki ta hopi lief, y e "bait dog" mester ta un cacho manso.

E fenomeno di "bait dog" ta bon conoci entre e rescaticanan, y ta un di e motibonan cu hopi biaha cachonan, cu eigenlijk tin doño pero ta biba riba caya, ta desaparece diripiente. Esaki pasobra, maske ta un practica ilegal, na Aruba tin hende ta organisa pelea di cacho. Y den e mundo baho aki di


maltrato animal, ta haci uso di cachonan manso y lief como "bait" pa e cachonan brabo "train" nan bringamento riba nan. E pover animalitonan aki ta sufri exageradamente y no por defende nan mes. Nan no ta ricibi atencion medico tampoco, y ta muri un morto hopi cruel.

Mas tristo ainda ta cu mientras e señora tabata busca Blanquita, el a core rond na Sero Preto, y ta asina con el a bin topa un otro caso di cacho den haula na Sero Patrishi, cual tambe Bon Dia Aruba a reporta den nos edicion di dialuna.

Den e caso aki, na un cas a bin haya un cantidad di cacho, tur na cadena of den haula, algun di nan mara den solo. Nan tabata den mal condicion, hopi flaco cu carpata y purga. Ademá tabatin haula cu un cantidad di galiña.

E haulanan a hala atencion di boluntarionan di rescate animal, pa motibo di e cantidad di cacho y puppies den haula. Den e caso aki, a papia cu e doño di e tereno y e cachonan, kende no tabata muestra di comprende mucho bon kico e problema ta. Un persona a informa e rescatista cu un cacho a muri caba na e sitio.

Boluntarionan sinembargo a tuma accion y a purba trece cuminda, awa limpi, y a logra bay cu tres di e cachonan, cu tabata den haula, for di e lugar, entre nan un puppy bruin masha flaco mes.



Cacho mara na Sero Patrishi...

Segun informacion cu Bon Dia Aruba a ricibi, tin preocupacion cu e cachonan den e haula aki ta relaciona cu e pelea di cacho.

Negligencia

Entre tanto caso di maltrato, e factor di negligencia ta esun mas comun. Esaki kiermen ora hende no ta necesariamente dal e cacho of activamente abusa di dje, pero ta pone e animal den condicionnan deplorable y no ta tuma accion pa dun'e e cuida na cual e cacho tin derecho. Por ehemplo, ta laga cacho cera den haula, mara na cadena, den solo, sin awa, sin cuminda, bao awasero, cu carpata, purga, sarna, cu malesa sin haya atencion di veterinario, sin haya amor di cas, ni hunga, ni nada.

Esaki ta un maltrato hopi severo cu tin consecuencianan devastador pa cacho, y cu hopi biaha, e persona cu tabata supposed di atende e cacho, no ta ripara cu ta participando den un crueldad asina teribel. Educacion y conscientisacion ta urgente, pero tambe ta necesario pa autoridadnan implementa control, boet y castigo.

Mientras tanto, boluntario y fundacion ta traha di curason cu recursonan hopi limita. Ciudadanonan consciente cu

kier colabora, por yuda door di boluntaria algun ora di nan tempo, of haci un donacion. Cualquier cantidad ta yuda e fundacionnan cubri e gasto di veterinario, cuminda, y remedi pa e animalitonan den necesidad.

Bon Dia Aruba a tuma contacto cu vocero di polis, Liliana Rasmijn, pa puntra tocante e casonan aki. A puntra si polis tabata na altura di e caso. Tambe a puntra kico por haci ora haya cacho den mal estado y e doño no kier coopera, of si haya un cacho of otro animal laga atras den un caso bandona, ki procedura tin pa atende esaki?


Te ciere di e edicion aki, no a ricibi un contesta.



Tereno y cacho na Catiri



Cacho Blanquita, a desaparece



Tereno y cacho na Catiri

Awe tardi hues ta dicta su veredicto den caso De Meza contra DIMP

Manera ta conoci siman pasa diaranson a tuma luga tratamento di e caso cu candidato pa minister Mike de Meza a entama contra Departamento di Impuesto relaciona cu e proceso di screening pa su nombramento como minister.

Durante e tratamento, ekipo di De Meza a remarca cu ta importante pa yega na un resolucion den e caso aki, no solamente pa De Meza por

bira minister, pero tambe pa por termina cu loke nan ta considera e difamacion cu De Meza mester a enfrenta durante e tempo aki di parti di politiconan di oposicion riba rednan social y den algun medio di comunicacion.

Di su banda directora di DIMP a indica cu e departamento a sigui e procedura manera debe ser y cu no tin ningun discriminacion contra De Meza pa ken e ta. Simplemente ta sigui e procedura

basa riba e rason cu ta pidi e declaracion di fiscal gedrag, cual den e caso specifico aki ta un procedura di investigacion riguroso.

Hues a haci varios pregunta, adicional na esnan cu el a manda por escrito na cada partido prome cu e tratamiento di e caso a tuma luga. Hues a tuma un siman pa repasa e caso y e argumentonan cu cada partido a presenta y lo dicta su veredicto awe 4or di



Parlamentario Hart ta yama minister Dowers aden pa clarifica kico ta pasando cu e proyecto Eagle LNG

Durante conferencia di prensa di fraccion AVP parlamentario John Harta trece dilanti su preocupacion relaciona cu e traspaso pa loke ta trata transicion di energia, especificamente e proyecto di Eagle LNG. E parlamentario a manda un carta pidiendo minister encarga cu energia, minister Arthur Dowers pa bin parlamento y duna informacion tocante kico ta e situacion actual cu e proyecto aki.

Parlamentario Hart a expresa su preocupacion pa e falta di informacion cu tin den Parlamento di Aruba pa diferente topico, cual segun el a indica ta bin pa motibo di e falta di respet cu parlamento a experiencia durante algun temporada.



“Parlamento ta e organo mas halto na pais Aruba y mi ta kere cu si nos analisa temponan den bida tin diferente tempo, tin diferente epoca, of temporadan... y nos tabatin un tempo caminda cu lamentablemente Parlamento di Aruba no a haya e respet cu e merece.

El a splica cu gobierno a cera

un acuerdo pa 20 aña den e caso di Eagle LNG na 2020 y te dia di awe, cinco aña despues, Parlamento di Aruba no tin claridad riba con e proceso aki ta canando.

“E trabou di parlamentario ta pa controla e gobierno y nos no por haci nos trabou corecto, debido si nos no por haya informacion,” el a enfatisa.

El a indica cu e ta bay entrega un carta na presidente di parlamento, cual ta pasa esaki pa minister Dowers, cu diferente pregunta, pero e pregunta principal cu e parlamentario tin ta pa si nan por convoca un reunion pa tin claridad riba full e proceso di Eagle LNG.

“Mi trabou ta pa yama e minister aden y laga nos tin un reunion di contenido pa wak kico ta pasando, kico ta e documentonan cu tin, si tin estudionan haci,” el a remarca.

Parlamentario Hart a splica cu e preguntanan cu e tin ta mas tanto relaciona cu unda ta para cu e proyecto. El a sigui splica cu den e contract cu a ser firma tabatin diferente paso, diferente fase

cu mester a tuma luga, entre otro mester a pidi permiso. E pregunta principal di e parlamentario ta pa sa con ta para cu e procesonan aki, y tambe con ta para cu e estudionan cu a keda di ser realiza pa loke ta e pipanan di gas, si esakinan tin efecto pa e bario y casnan.

“Nos kier sa informacion pasobra nos no por controla un gobierno si nos no tin informacion,” el a enfatisa. El a agrega cu den e sistema di parlamento no tin ningun documento pa loke ta trata estudionan cu a ser realiza relaciona cu e proyecto di Eagle LNG. El a menciona cu si preguntanan cu a ser haci den pasado y e tempo ey e contesta di e ex minister tabata cu pronto lo ricibi esaki, pero varios aña despues ainda no a ricibi esaki.

Secretario di Estado Zsolt Szabó ta confirma su salida

Cu e caida di Gabinete Schoof y salida di e mandatarionan di PVV, Secretario di Estado Zsolt Szabó, responsabel pa Digitalisacion y Relacionnan den Reino, tambe a confirma su salida. Den un declaracion el a expresa su tristesa pa no por continua cu e trabou, pero alabes a remarca e logronan cu el a realiza durante e casi un aña cu e tabatin como Secretario di Estado.

Segun e portal Aruba.nu a reporta, durante un reunion di gabinete cu caracter di urgencia cu a cuminsa pa 1:30 PM den Catshuis, e caida di Gabinete Schoof a ser trata formalmente. Szabó a comenta tocante su salida den un declaracion expresando: “Lamentablemente, mi rol como Secretario di Estado pa



Digitalisacion y Relacionnan di Reino a yega na su fin. Lo mi tabata kier pa a caba e trabou aki.”

A pesar di su tristesa door di no por a termina cu su trabou, e ta satisfecho cu loke si e por a logra den e poco tempo cu e tabatin den su funcion. “Den Relacionnan di Reino, mi a

enfoca riba bon gobernacion, finanzas solido di gobierno y autoconfiansa. Mi enfoca semper tabata enfoca riba un miho futuro pa e habitan-tenan di e parti Caribense di nos Reino.”

Segun Szabó, el a logra resultadonan concreto. A institui un fondo di seguridad

di cuminda na beneficio di empresarionan riba e islanan, y tur residente di Boneiro, Sint Eustatius y Saba lo ricibi un number di servicio di ciudadano. “Mi a compromete mi mes cu mi mision cu hopi conviccion,” Szabó a bisa. “Danki na tur hende cu tabata dispuesto pa tuma pasonan hunto – pa un gobierno digital y un Reino mas fuerte.”

Despues cu lider di PVV, Geert Wilders a anuncia e renuncia oficial di su partido den coalicion y confirmacion di prome minister, awor demisionario, Dick Schoof cu su gabinete a cay, a haci un areglo di reemplazo temporal pa e carteranan di e minister-nan saliente di PVV, incluyendo esun di Szabó. Un decision riba e implementacion structural lo ser tuma despues. Por ehempel, e gabinete



por scoge pa nombra minister-nan adicional.

Szabó, miembro di VVD te cu 2024, a uni e fraccion di PVV, cu formalmente no tin miembro, ora el a sinta. E tabata conoci como un minister cu mente tecnico, cu enfoca riba infraestructura digital y cooperacion intergubernamental dentro di Reino.

Segun parlamentario Goeloe, lider di fraccion PPA mester stop cu politica di sencionalismo y mester cuminsa papia berdad cu comunidad

Ayera mainta durante un conferencia di prensa lider di fraccion Futuro den Parlamento di Aruba, parlamentario Gino Goeloe a reacciona riba e comentarionan cu lider di fraccion PPA, parlamentario Otmar Oduber, a haci tocante e contenido y proceso di negociacion di Rijkswet entre Aruba y Hulanda.

Parlamentario Goeloe a remarca cu na momento cu ta papia di politica diferente y nobo, nan ta referi na laga sencionalismo afo di politico y tuma e trabou como parlamentario na serio door di informa e pueblo e berdad.

El a señala cu el a tuma nota di e declaracionnan cu parlamentario Oduber a haci, despues di a tene un reunion cu gremionan comercial, tocante e Rijkswet y con no tin texto ni ningun informacion tocante esaki.

Parlamentario Goeloe a splica cu desde gobierno anterior Aruba ta den negociacion pa loke ta e Rijkswet y ta bezig cu loke ta e texto di e esaki, cual tabata den man di un team di Aruba y un team di Hulanda cu tabata prepara e textonan aki. Cu entrada di Gabinete AVP-FUTURO, el a indica, nada no a cambia y e proceso ta continua.

El a sigui splica cu parlamento no tin e textonan pa motibo cu esakinan mester ser evalua y awor e concepto ta na Directie Constitucio-

nele Zaken en Wetgeving na Hulanda, despues cu Aruba y Hulanda a entrega nan input. “Ta logico cu Aruba tin su punto di bista y Hulanda tin su punto di bista y asina ki nos ta yega na otro,” el a remarca.

E parlamentario a informa cu dia 10 di juni prome minister Mike Eman hunto cu vice prome minister Gerlien Croes y minister di Asuntonan Economico y Finanzas Geoffrey Wever lo sinta cu e Secretario di Estado na Hulanda y debati riba e documento aki. Despues di esaki e documento mester pasa ainda pa Tweede Kamer y manera cu e keda cla e ta yega na Parlamento di Aruba.

“Nos como parlamentario ta bay lesa e documento aki y ta wak si berdad locual ta skirbi ta algo cu nos por sostene y esey ta algo cu mester clarificacion,” el a enfatisa. El a splica cu parlamentario Oduber a haci algun insinuacion y a bin cu sencionalismo. El a ratifica cu e tipo di politica ey tin cu termina y parlamento mester cuminsa educa comunidad y papia berdad cu comunidad.

“Mi ta kere cu ta na su luga pa nos di Futuro sigur pone e cos ki stret y mi ta kere cu Sr. Otmar Oduber sa cu den varios ocasion den parlamento e punto aki a ser discuti y e sa masha bon den e caso aki con e ta, con e proceso ta bayendo y pa bin cu tanto sencionalismo aworaki mi ta kere no ta na su luga. Nos tin cu uni pueblo, aworaki ta bin



cu yen cos bruha, e cos ki no ta bon pa pueblo, nos tin cu uni pueblo, nos tin cu tene pueblo conhuntamente y p'esey cada bes cu algo asina ki bin pa dilanti nos como Futuro ta para stret y ta drecha e cos aki,” parlamentario Goeloe a subraya.

Relaciona cu e caida di gobierno Hulandes y con esaki lo por tin efecto riba loke ta e negociacionnan pa cu e Rijkswet, el a splica cu ora cu gobierno cay tur caso coriente ta sigui. Den e caso di e Rijkswet, el a sigui splica, e ta algo cu tin años andando. El a indica cu desde Gabinete Wever-Croes caba e concepto di ley aki tabata den preparacion y aworaki ta continuacion den gobierno, locual kiermen cu na Hulanda den e caso aki e topico aki ta bay sigui riba mesa mirando cu e

ta un topico hopi importante cu mester sigui den discusion.

Pa loke ta e declaracionnan di parlamentario Oduber tocante e Rijkswet, dialuna despues di un reunion cu fraccion PPA a tene cu gremionan comercial, e parlamentario a duna un declaracion na prensa presente.

El a splica cu fraccion di PPA a yama e reunion cu e gremionan comercial y haci uso di e oportunidad pa mira si tabatin dialogo entre e gremionan y gobierno pa loke ta trata e Rijkswet y pa nan por haya un indicacion di kico ta e pasonan cu nan ta tumando.

Parlamentario Oduber a sigui splica cu durante e reunion nan a papia tambe hopi riba e profundidad di e significado pa loke ta trata autonomia di pais Aruba y kico ta e consecuencia di un posibel Rijkswet caminda cu cierto momento ta saca podernan for di parlamento.

El a remarca cu pa e gremionan tabata dificil pa kere cu Parlamento di Aruba no sa e contenido di loke ta ser discuti tocante un Rijkswet cu tin un consecuencia asina grandi di miyones di florin pero tambe di decisionnan politico cu tin cu ser tuma.

“Nos mester muestra riba e hecho cu esaki ta practicamente custumber den parlamento. Como fraccion nos tin 124 dia cu a pidi un reunion, cu den 30 dia mester a ser yama, y eynan ta wak e deficit parlamentario cu tin cu ni nos democracia ta ser respecta. Un reunion publico pa splica parlamento kico ta

sucediendo,” el a subraya.

Parlamentario Oduber a indica cu ya caba a subi di un porcentahe di 5,4% pa 6,9% di interes cu ta 10 miyon florin extra cu pais Aruba tin cu paga pasobra no tin un decision.

Alabes el a menciona cu tin discusion andando, y segun loke e por a tende cu minister Geoffrey Wever a bisa, pa september kier firma e Rijkswet. Sinembargo, el a subraya, cu Parlamento di Aruba no sa nada di loke ta e contenido y gremionan no sa nada tampoco.

“Hopi duidelijk por mira cu tin un falta di comunicacion total di parti gobierno riba e materia aki. Nos a muestra riba e hecho cu pa gobierno por ta e decision ta facil...pero na final di dia ta kita un di e pilarnan principal di Parlamento di Aruba y p'esey nos ta lamenta cu e reuniopublico no a ser yama pasobra otro fraccion no ta papia di nan posicion tocante e Rijkswet,” el a agrega.

Parlamentario Oduber a remarca cu pa su fraccion ta inaceptabel y a indica cu nan tin varios proposicion. Un di e proposicion, el a señala, ta cu den e leynan local di Aruba ta caminda mester regla con e control aki tin cu bay tuma luga y no cu na Hulanda ta bay dicidi con ta sali for di e Rijkswet of ki ora of bou cual condicion por cambia normanan cu ta ser poni den e leynan local, siendo cu tin instrumentonan local pa haci esaki.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Meritocracia intelectual: Un necesidad pa Aruba crece



Den e articulo di e si-
man aki, mi kier toca un
tema mas filosofico pero
hopi relevante pa nos
pais, cual ta e concepto
di Meritocracia Intelec-
tual. Normalmente den
kadernan cientifico y den
organizacionnan grandi
optimalmente nos lo kier
wak cu un idea/tema cu
ta onderbouwd cu litera-
tura y pensamentonan cu-
alitativo lo tin cu suparsa
idea/modonan di traha cu
no tin e mesun caliber in-
tellectual su tras. Despues
di un discusion unda tur
data y literatuur onder-
bouwing ta wordo analisa,
e idea mas onderbouwd
tin cu wordo acepta y im-
plementa.

Lastimamente tur loke mi ta wak y tende via via, nos Isla ta leu di esaki. Kader personeel halto den gobierno privadamente sa acerca mi bisando: "Simon, bo tin 4 aña ta skirbi, kico bo a logra cu esaki? Nada no lo cambia toch." Of pio unda via diferente tactica ta purba pest of te hasta intimidada un analista. E cultura aki di "miedo intelectual" pa papia den canalnan publico over temanan impopular (cu onderbouwing hopi adecuado). Ta un problema fundamental cu tin cu cambia, si nos kier wak nos pais progresa berdaderamente.

Mi ta wak e como mi tarea como yiu di Tera, opgeleid academico pa ta un voz intelectual onderbouwd pa nos Isla. Si discusion riba nivel intelectual no pasa, lo nos

wak e prome stap pa Aruba bira un Banana Republiek y te hasta bay den direccionnan mas autoritario te hasta. Den contexto aki mi lo sigui skirbi den speranza cu op den duur e berdad intelectual surpasa pensamentonan cu no tin e mesun fundeshi. Esaki semper ta pasa a plaso largo, pasobra e berdad intelectual semper ta gana.

E berdadnan impopular

Nos lo conclui e articulo aki, cu temanan sumamente impopular cu mester wordo aangepakt si nos kier nos Isla prospera riba plaso mas largo. Na prome lugar e tema economico mundial di debe gubernamental, deficitnan gubernamental, y balor directo y indirecto di placa ta uno cu varios pais manera te hasta Estados Unidos di Merca, Hapon, Italia y Francia tin problema grandi cune. Pa nos haci manera esaki no ta relevante pa Aruba, ta un actitud di avestruz.

En berdad mi a toca e tema varios biaha di nos reserva monetario y te hasta unda kier "motiva" fondonan local pa cumpra Aruba su staatsobligaties di 5%, uno sumamente preocupante mes. Pasobra no lubida si problema resulta den esaki riba plaso largo, ta anos como pueblo lo haya e cuenta pa esaki.

Na otro banda tambe nos wak e fondonan social di Svb & AZV riba plaso largo, esta despues di 2035, cu nan lo ta bashi of casi bashi. Mi kier ge-woon nota cu te cu ami sa, mi



no a wak ningun beleidsstuk of plan concreto pa atende e tijdbom aki. Nos por ge-woon analisa e modelonan matematico pa muestra cu mi tin rason den esaki. Pero simplemente nos ultra-kader ta kies pa no discuti esaki y den mi opinion den modo kinderachtig purba warda pa hende lubida e tema aki. Mi kier recorda lectornan cu esaki ta nos fondonan social cu ta e fundeshi di nos sociedad. Dus esaki merece atencion.

Tambe si nos wak e cuestion di Aruba su empresanan estatal, manera Setar, ELMAR y Post N.V. Nos tin cu puntra nos mes hopi duidelijk si e organizacionnan aki lo tin derecho di existencia den contexto di innovacion global cu ta pasando tur rond mundo. Corda tambe cu ineficiencianan manera empresanan estatal cu ta wordo proteha y te hasta subsidia ta eigenlijk un impuesto indi-

recto riba pueblo di Aruba. Gobierno Nobo: Campaña Bunita di PR pero 0.0 Contenido (Tot nog toe). Aunke mi no ta un PhD di politologia di Universidad di Amsterdam, mi ta compronde cu imagen y "Public Relations" ta hunga un rol grandi den transcurso politico.

Pero pa simplemente constantemente saca potret pa actonan cu na mi opinion no tin ningun of casi ningun balor agrega berdadero pa Aruba, ta un berguensa intelectual mi ta sinti.

Nos ultra-kader finalmente tin cu refleha profundamente, wak su mes den spiel y cuminsa e discusion intelectual di entre otro e temanan menciona. Pa simplemente ignora esakinan y saca "happy fotos" tur dia no ta un manera cu un pais moderno mester wordo goberna.



Marinier Hulandes y Mericano ta train hunto na Aruba

Durante ehercicio “Caribbean Coastal Warrior 2025”

Di dia 9 di mei te cu 9 di juni, e team di buceo di e di dos Batayon di Reconocimiento di Segundo Division di Marina, Cuerpo di Marina di Merca (2nd Reconnaissance Battalion 2nd Marine Division, United States Marine Corps), ta na Aruba pa e ehercicio “Caribbean Coastal Warrior”.

Durante e training anual di buceo aki, e mariniernan Mericano ta traha hunto cu e Escuadron di Marina Carib (Marine Squadron Carib) cu ta staciona na Aruba.

E training ta forma parti di un programa di intercambio entre Marina Hulandes y Marina Mericano, durante cual ta train cu intercambio den tanto Region Caribe como na Merca.



Mas den comienso di e aña aki, na april 2025, a tuma lugar na Merca na Camp Lejeune, cu ta e base di Cuerpo di Marina Mericano (United States Marine Corps), e ehercicio di Caribbean Urban Warrior, durante cual mariniernan di Escuadron di Marina Carib Aruba, e Destacamento di Marina di Sint Maarten ade-




mas di e gruponan di boto di Aruba y Corsou, a train hunto cu Mariniernan Mericano. Training y ehercicio conhunto den ambos pais ta reforsa e colaboracion entre e cuer-

ponan. E ta promove lasonan mutuo y ta ofrece oportunidadnan valioso pa siña di otro.

E training di buceo actual ta



tuma lugar na Aruba y ta enfoca riba habilidad tactico di buceo cu un re-breather. E entrenamiento ta conoci pa diferente ekipo di buceo di Cuerpo di Marina di Merca (United States Marine Corps).



**Stichting voor Volkshygiëne
Wit Gele Kruis Aruba**

Vacature: Praktijkondersteuner Huisartsenzorg Somatiek (POH-S)

Locatie: Stichting Wit Gele Kruis Aruba
Dienstverband: 40 uren per week

Ben jij een gedreven verpleegkundige met hart voor chronische zorg?

Wil jij een actieve rol spelen in de begeleiding van patiënten met diabetes, hart- en vaatziekten (CVRM) en Asthma-COPD? Dan zoeken Het Wit Gele Kruis Aruba (WGK) en Huisartsen Vereniging Aruba (HAVA) jou!

Wat ga je doen?

Als Praktijkondersteuner Huisartsenzorg (POH) ben je de schakel tussen patiënt en huisarts. Je ondersteunt patiënten bij hun zorgtraject, voert controles uit, stimuleert een gezonde leefstijl, zijn een aantal van je taken. Je werkt zelfstandig, maar altijd in nauwe samenwerking met je huisarts en andere zorgprofessionals.

Jouw profiel:

- ✓ HBO/ MBO Verpleegkunde met ten minste 2 jaar relevante werkervaring en aantoonbaar HBO-werk- en denkniveau.
- ✓ Of minimaal doktersassistent nivo-4 met ten minste 3 jaar werkervaring
- ✓ Goede computervaardigheden; ervaring met het EPD-systeem Pro-Medico is een pré
- ✓ Sterke communicatieve vaardigheden in Papiamentu en affiniteit met Arubaans cultuur
- ✓ Zelfstandig, flexibel en open voor innovatie

Wat bieden wij?

- ◆ Een veelzijdige en zelfstandige functie binnen een professioneel team
- ◆ Opleiding POH-S en diverse trainingen/ bijscholingen.
- ◆ Goede salariering en aantrekkelijke secundaire arbeidsvoorwaarden
- ◆ Een kans om écht verschil te maken in de zorg op Aruba

Beschik je over deze competenties?

- Kan vakinhoudelijk handelen.
- Reflecteert voortdurend en methodisch op haar eigen handelen.
- Communiceert op persoonsgerichte en professionele wijze.
- Kan goed samenwerken met patiënt en in teamverband.
- Neemt een actieve rol als gezondheidsbevorderaar.
- Beschikt organisatorische vaardigheden.

Solliciteren

Klinkt dit als jouw ideale baan? Stuur je motivatiebrief en CV met referenties uiterlijk **13 juni '25** naar email adres **poh-sollicitaties@witgelekruisaruba.org** ter attentie van **mw. Jasmira Mora**, coördinator POH. Alle sollicitaties worden vertrouwelijk behandeld. We kijken uit naar jouw reactie!

Mas di 130 “Letter of Intent” firma na Agroalimentaria 2025 door di delegacion di Aruba

Manera ta conoci diaran-son siman pasa un delegacion comercial consistiendo di 30 empresario a atende e conferencia di Agroalimentaria 2025, na Republica Dominicana. Por bisa cu e biahe comercial aki tabata uno sumamente exitoso.

Minister di Finanzas, Economia y Sector Primario, Geofrey Wever a busca mercancia di otro mercadonan, manera den e caso aki Republica Dominicana, cu intencion pa busca prijs mas favorable. “Pa stimula mas comercio den region Gobierno a uni cu embahada di Republica Dominicana pa Aruba su comerciantenan participa na e ‘trade mission’ aki”, segun Minister Wever.

Segun un comunicado di gobierno, e delegacion a logra na cera cu mas di 130 “letter of intent” pa trece entre otro fruta, berdura, awacati, webo,



hariña y mucho mas. Di tur e paisnan cu a asisti e conferencia di Agroalimentaria 2025, Aruba a wordo reconoci como e pais cu a cera mas “Letter of intent” entre e comerciante nan di Aruba y di Republica Dominicana. Cu e desarojo aki y tambe e noticia recien cu un compania di logistica, Don Andres, cu ta opera barco di transporte den Caribe ta amplia nan servicio door di consolida e mercancia den e almacennan di Don Andres, clientenan por optimisa nan “supply chain” y probecha di solucionnan di envío adapta na nan necesidad specifico. “Sigur un biahe



comercial sumamente exitoso”, segun Minister Wever.

LOTTO 5

Cuminsando cu 4 florin, bo por gana e suma grandi aki

Afl. **110.000,-**

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO

LOTTO

Merca: Kennedy ta duna orden na FDA pa evalua baby formula

(AP)—Secretario di Salud Robert F. Kennedy Jr. a dirigi e Administracion di Cuminda y Medicina (FDA) pa evalua y nutriente y otro ingredientenan den baby formula, cual miyones di baby na Merca ta tuma. E esfuerso aki, yama “Operation Stork Speed”, ta e prome investigacion profundo den e ingredientenan desde 1998.

“FDA lo usa tur recurso y autoridad cu e tin pa garantisar cu productonan di baby formula ta sigur pa e famianan y muchanan cu ta depende riba nan,” Kennedy a bisa.

Aproximadamente tres kwart di baby na Merca ta consumi baby formula durante e prome seis luna di bida, cu aproximadamente 40% ricibiendo esaki como nan unico fuente di nutricion, segun e Centro di Control y Prevencion di Malesa (CDC).

Baby formula ta den uso na Merca pa aproximadamente seis decada, alimentando varios generacion di baby cu a florece, segun Dr. Steven Abrams, un experto di nutricion di baby na University of Texas.

E comunidad científico tin tempo ta haci yamado pa un reevaluacion di baby formula

y ta “completamente sostene e idea aki di un bista comprensivo,” el a bisa. Actualmente productonan di baby formula na Merca ta sigui ta sigur y nutritivo, el a bisa. “Pero tin hopi ciencia awor y nos kier pa e reglanan di FDA aline cu e ciencia mas recien rond mundo,” el a bisa.

Regulacionnan di FDA ta rekeri baby formula contene 30 nutriente specifico, cu nivelnan minimo pa tur y nivelnan maximo pa 10 di nan. E ingredientenan ta varia, pero tur formula mester tin un balansa di calorìa for di proteina, carbohidrato y vet cu ta mimica loke por haya den lechi di pecho.

Liñanan di guia di FDA ta recomenda pa baby haya lechi di pecho pa e prome seis luna di bida y cu mayornan mester sigui duna lechi di pecho pa e prome aña of mientras agregando cumindanan nobo na e dieta di e mucha.

Mayornan ta usa baby formula ora un mama no por of ta scoge pa no duna lechi di pecho pa varios motibo, incluyendo enfermedadnan, conflicto cu trabao, pa permiti otro miembro di famia yuda cu alimentacion y otro situacion.

FDA ta puntrando pa dato científico y informacion



nobo tocante si e ingredientenan rekeri den baby formula mester ser agrega, kita of modifica. E deadline pa comentario ta dia 11 di september.

Cientificonan ta bisa cu tabatin mester di un evaluacion pa hopi tempo caba relacion cu e dato mas recien riba e composicion di lechi di pecho y con baby ta ingeri y absorba nutrientenan den lechi di pecho y formula.

Ademas, nan kier pa e FDA

considera con baby formula Mericano ta compara cu esnan traha otro caminda, segun Bridget Young, ken ta studia nutricion di baby na University of Rochester. “Nos con regulacionnan ta diferencia?” el a bisa. “Kisas ta tempo pa nan evalua atrobe nan regulacion y considera posible harmonisacion internacional.”

Den e ultimo añanan, algun mayor a busca baby formula traha den Europa cu e creencia cu productonan traha den exterior ta opcionnan mas saludable, expertonan a bisa.

Regulacionnan di formula na Merca y Europa, incluyendo rekisitonan pa nutrientenan y testing, ta diferencia un tiki, pero en general ta similar, Abrams a bisa. Hopi mayornan a trece nan preocupacion dilanti tocante ingredientenan di formula manera sucu agrega y azeta di simia, cual tambe ta un punto di preocupacion pa Kennedy.

Investigacion recien ta sugeri cu sucu agrega manera glucose y siroop di maishi den baby formula por ta conecta cu subimento di peso den muchanan. Young a bisa

cu mayoria experto ta acorda cu lactose, e tipo primario di sucu haya den lechi di pecho, ta preferi.

Baby formulanan na Mercan ta contene azeta di simia, Young a bisa. Pero esey ta pasobra tin un cantidad limite di azeta di vegetable cu ta provee e vetnan esencial cu baby ta rekeri.

“Nan mester provee e variedad di acidonan di vet cu bo ta mira den lechi di pecho,” el a bisa.

Si haci esaki adecuadamente, e evaluacion di baby formula di FDA lo tuma “al menos un aña,” Abrams a bisa. Y e lo rekeri input mas amplio for di varios agencia gubernamental, fabricantenan di formula y consumidornan.



Like
us on
Facebook

facebook.com/bondianoticia

Prome Minister Hulandes: Collapse di coalicion “innecesario y irresponsable”; Gabinete ta renuncia

(NLTimes) – Prome Minister Dick Schoof a anuncia e collapse di su gabinete diamars durante un conferencia di prensa, culpando e caida riba e retiro di Partido pa Libertad (PVV) for di e coalicion di gobernacion. El a bisa cu e salida di PVV a kita e sosten di mayoria den Parlamento Hulandes, lagando niun otro opcion cu disolve e gobierno.

Schoof a confirma cu mesora e lo ofrece retiro di tur e ministernan di PVV na Rey Willem-Alexander. Ministernan di e resto di e partidonan—Partido di Pueblo pa Libertad y Democracia (VVD), Contrato Social Nobo (NSC), y Movimiento di Agricultor-Ciudadano (BBB)—lo keda den funcion den un capaci-

dad di cuido.

“E mandato cu sociedad a duna e gabinete aki tabata pa atende asuntonan urgente na Hulanda,” Schoof a bisa. “Asuntonan relaciona cu vivienda, seguridad di medianan di subsistencia, seguridad publico, migracion, y emision di nitrogeno. Esakinan a keda inclui den e acuerdo di coalicion haci pa cuater partido, cu a keda refleha den e programa di gobierno.”

“Den ultimo lunanan, e gabinete a traha duro pa implementa e plannan aki,” el a bisa. “Pero ora un partido no tin e boluntad pa sigui, bo no por bay dilanti hunto.”

El a bisa cu Consejo di Minister a discuti e situacion y a yega na un conclusion unanime. “Nos a conclui cu, cu e

salida di PVV, no tin suficiente sosten mas den Parlament pa e gabinete aki,” Schoof a bisa. “Esey ta nifica cu lo mi bay cerca rey mesora pa ofrece retiro di e ministernan di PVV.”

“E resto di e ministernan lo sigui den un capacidad demisionario,” el a agrega. “Un copia di e carta di retiro tambe lo ser manda pa tanto e Tweede Kamer (Parlamento) como Eerste Kamer (Senado).”

Schoof a bisa cu el a adverti tur cuater lider di partido di coalicion ripitidamente cu permiti e gabinete cay tabata innecesario y peligroso. “Den e ultimo dianan, mi a bisa tur cuater lider di partido varios biaha cu e caida di e gabinete, den mi bista, tabata innecesario y irresponsabel,” el a bisa. “Nos ta enfrentando retonan grandi, tanto na nivel nacional como internacional.”

El a enfatisa cu accion fuerte y inmediato ta esencial den e ambiente mundial di awendia. “Awor mas cu nunca, decision ta necesario—decision pa nos seguridad, nos resiliencia y nos economia den un mundo cu ta cambiando rapidamente,” Schoof a bisa. “Pa tur hende na Hulanda cu ta preocupa pa haya un lugar pa biba of pa pone pan riba mesa. Pa cunukeronan cu



kier perspectiva pa futuro. Y pa haya control riba migracion.”

“Esaki ta exige accion, no retraso,” el a agrega. “Pues como un gabinete demisionario, nos lo haci tur cos na interes di e pueblo di e pais aki—dentro di e limitenan permiti pa parlamento.”

Na final di e conferencia di prensa, Schoof a refleha riba su nombramento inespera como prome minister un aña prome. “Un aña pasa, mi a ser pidi pa bira prome minister di Hulanda. Tabata un pregunta cu nunca mi a spera,” el a bisa. “Mi a bisa ‘sí’ pa motibo di e conviccion cu mi por a contribui na soluciona e

problemanan cu e pais aki ta confronta. Ainda mi ta mantene e conviccion ey.”

El a confirma cu e y e ministernan sobra di VVD, NSC, y BBB lo sigui cu nan tareanan te ora forma un gabinete nobo. “Bida na Hulanda y den exterior ta sigui,” Schoof a bisa. “Tin decisionnan cu mester tuma—y no por atrasa nan.”

E conferencia di prensa a termina abruptamente despues di apenas cuater minuut di Q&A. Schoof a haci algun pregunta prome cu a stop. “Mi mester bay cerca e rey, ayo,” el a bisa, prome cu el a sali.

Corsou

Formacion completo; Pisas III ta warda huramentacion

(Curacao.nu) – E formacion di e gabinete di Pisas III a keda completa. Formateur Chester Peterson a entrega su relato final na Gobernador Lucille George-Wout dialuna atardi. Esaki ta trece un fin na su trabao como formateur.


Peterson ya a provee gobernador cu dos rapport interino den ultimo simannan. Den su relato final, e ta confirma cu tur candidato nomina, incluyendo e mes, a pasa e prueba di integridad cu exito.

Awor ta keda na Gobernador pa manda e invitacionnan pa huramentacion di e gabinete nobo, a base di e rapport aki y e documentonan cu ta acompaña’e. E huramentacion

por tuma luga e siman aki. Gabinete di Pisas III lo consisti exclusivamente di ministernan di partido MFK (Movimentu Futuro Kòrsou), cu a obtene un mayoria absoluto den eleccion di 21 di maart, cu diestres di e binti un asiento. Esaki a permiti e partido forma un gabinete completo sin partner di

coalicion.

Segun e rapport final di Peterson, e gabinete ta consisti di e siguiente ministernan: Gilmar Pisas, Javier Silvania, Charles Cooper, Charetti America-Francisca, Sithree van Heydoorn, Sharlten Hato, Kimberly Lew-Jen-Tai y Roderick Middelhof.



Stichting voor Volkshygiëne
Wit Gele Kruis Aruba

Vacature

Verpleegkundige Afdeling Ouder- en Kindzorg / Kraamzorg (m/v) Fulltime

Het Wit Gele Kruis Aruba is een toonaangevende zorgorganisatie op Aruba die zich richt op kwalitatieve en toegankelijke thuiszorg. Onze afdeling Ouder- en Kindzorg & Kraamzorg biedt professionele zorg en ondersteuning aan jonge gezinnen vanaf de geboorte tot en met de eerste levensjaren van het kind.

Functieomschrijving

Wij zijn op zoek naar betrokken en enthousiaste verpleegkundigen die zich willen inzetten voor de gezondheid van moeders, pasgeborenen en jonge kinderen. Als verpleegkundige binnen deze afdeling begeleid je gezinnen in de kraamperiode, verricht je controles bij moeder en kind, geef je voorlichting en werk je nauw samen met de verloskundigen, collega's uit de Jeugdgezondheidszorg en andere zorgprofessionals.

Jouw taken

- Uitvoeren van huisbezoeken in de kraamperiode
- Observeren, signaleren en rapporteren van de gezondheidssituatie van moeder en kind
- Voorlichting geven over borstvoeding, babyverzorging, opvoeding en gezondheid
- Vaccinaties en controles uitvoeren bij jonge kinderen (0 – 4 jaar)
- Meewerken aan preventieprogramma's

Functie-eisen

- Diploma Verpleegkunde HBO-V of MBO-V
- Ervaring of affiniteit met kraamzorg of kindzorg
- In staat om zelfstandig te werken in de wijk
- Goede communicatieve vaardigheden
- Rijbewijs B

Wij bieden

- Een afwisselende en zinvolle functie in een warme en professionele werkomgeving
- Collegiale werksfeer en ruimte voor ontwikkeling
- Bijdrage aan de zorg voor de toekomst van Aruba
- Competitief salaris en secundaire arbeidsvoorwaarden

Interesse?

Solliciteer door je CV en korte motivatie te sturen naar l.croes@witgelekruisaruba.org voor 18 juni 2025. Vragen? Bel ons op 2814503

Minister di Vivienda Hulandes, Mona Keijzer ta revoca plan pa vries huur despues di collapse di coalicion

(NLTimes) – Minister di Vivienda, Mona Keijzer a anuncia cu e ta retira su plan pa vries huur pa vivienda social pa dos aña. Su partido, BBB lo no entrega e proposicion legislativo, el a skirbi den un carta dirigi na parlamento. El a tuma e decision aki “basa riba e conseho di e conseho di Eerste Kamer, e desaroyonan politico, y pa trece tranquilidad y progreso na e ministerio di vivienda.”

Eerste Kamer a conseha Keijzer pa no entrega e proposicion. Dialuna, e minister a



bisa pa medio di un vocero cu e tabata trahando riba un “informe adicional” basa riba e conseho. Sinembargo, el a dicidi di cancela e plan nan di vriesmento di huur despues cu lider di PVV, Geert Wilders a sali for di e

coalicion diamars. E vries di huur a ser pidi pa PVV durante negociacion tocante e Spring Memorandum.

“Awor ta un realidad nobo den cua Geert Wilders no ta tuma responsabilidad mas pa soluciona e problemanan di Hulanda,” Keijzer a splica e desaroyonan politico prome cu inicio di un reunion special di Gabinete despues di e kiebro di coalicion. “Mi ta un administrador responsabel. Mi ta responsabel pa Vivienda Publico y Planificacion Teritorial. Pues lo mi sigui cu loke ta un politica sensibel.”

Si no aumenta huur, e ora gobierno tambe lo gasta menos placa na beneficiar di vivienda cu loke a premira. E suma ey lo subi te na 492 milyon euro pa aña.

Parti di esaki lo a bay back na un aumento di un solo biaha den e compensacion di huur cu 1 biyon euro, cu PVV a yama un “bonus di comestibel.” Keijzer awor lo mester busca placa otro caminda ya cu e “efecto di ganashi” riba e beneficio di vivienda lo desaparece si e vriesmento di huur no sigui.

E plannan pa un vries di prijs di huur a ser ricibi cu critica severo instantaneamente, incluyendo di companianan di vivienda cu a bisa cu esaki lo nifica cu nan lo tin biyones di euro menos pa gasta na casnan nobo y sostenibilidad.

Keijzer a reconoce den su carta na Tweede Kamer, cu e plan tabata “legalmente defectuoso.” El a agrega cu e no por a haya sosten den Eerste Kamer. “A bira cla pa mi cu e plan lo no a logra un mayoria den Eerste Kamer.”

NS: Tur trein na Hulanda por keda cancela diabierna pa motibo di welga di sindicato

(NLTimes) – NS a adverti cu e welga potencial di diabierna awor por tin un “impacto nacional.” Esaki ta debi na e hecho cu e welga potencial lanta pa e sindicatonan ta planea pa Midden-Nederland, y ta eynan NS ta maneha e trafico di trein pa henter e pais. Pa e motibo aki, NS a pidi biaheronan “pa tene na mente cu lo no tin trein den henter e pais riba diabierna 6 di juni.”



porciento for di 2019. E contrato colectivo di trabao di NS ta cubri 17.500 persona.

E fecha limite pa yega na e demandanan di FNV a caduca pa 5 or di atardi ayera. E fecha limite pa e demandanan di VVMC a caduca pa 4 or di atardi.

“Esey ta nifica cu nos ta obliga di bay den welga,” Janssen a bisa. Wim Eilert di VVMC ta molestia pa e sucesonan. “Nos no gusta haci esaki, e no ta pret pa e biahero. Sinembargo, NS no ta laga nos ningun otro opcion.”

Segun e AD, e anuncio oficial di e welga lo bin diaranzon. Un anuncio di un welga mester ser haci por lo menos 38 ora prome cu e welga cuminsa.

Ta anticipa cu protestanan di ferry tambe lo tuma lugar dia 10 di juni, 12 di juni y 16 di juni. Ta anticipa cu trein internacional lo sigui core manera planea.

Ainda no a haya un confirmacion oficial di e sindicatonan cu e welga lo tuma lugar, NS a bisa. “Como resultado, NS no sa ainda si e welga definitivamente lo tuma lugar. Na mes momento, NS si ta considera importante pa informa e biaheronan di antemano di e posibel inconveniencia,” e compania di trein a bisa.

E sindicatonan ta pushando pa NS cumpli cu nan exigencianan pa loke ta trata un acuerdo colectivo di trabao. E negociacionnan entre e partidonan a collapse dia 8 di mei.

FNV anteriormente a bisa cu el a haya un oferta di salario di parti di e dunador di trabao cu un aumento di 2.55 porciento pa aña “escandaloso”, pasobra esey “no ta yega cerca di inflacion”, segun director di sindicato Henri Janssen a bisa anteriormente. Esaki mientras cu, segun e sindicato, personal di NS a keda atras cu inflacion cu mas cu 5

VACATURE



CEDE ARUBA is in samenwerking met de buurtcentra en buurtorganisaties in Ayo, Brazil, Dakota, Lago Heights, Playa Pabou, Santa Cruz, Savaneta en Tanki Leendert. Momenteel zijn Centro di Bario Playa Pabao and Centro di Bario Santa Cruz op zoek naar kandidaten voor de functie:

Programmableider Buurtcentrum

Als programmableider van een buurtcentrum ben je onder leiding van het bestuur verantwoordelijk voor het (mede) ontwikkelen, uitvoeren en monitoren en evalueren van het jaarprogramma's, het ondersteunen, faciliteren, werven en motiveren van vrijwilligers, het ondersteunen van buurtinitiatieven en sociale groepen, het vertegenwoordigen van het buurtcentrum bij samenwerkingspartners en buurtorganisaties en het ondersteunen van het bestuur.

Relevante taken binnen de functie programmableider zijn:

- Levert een bijdrage aan het uitvoeren en analyseren van buurtonderzoek en behoeftepeilingen
- Levert een bijdrage aan het ontwikkelen van jaarprogramma's en projectdossiers
- Organiseert eigen activiteiten van het buurtcentrum en activeert en faciliteert derden
- Draagt zorg voor de evaluatie van activiteiten door deelnemers
- Stelt eenvoudige tussenrapportages op ten behoeve van het bestuur
- Bewaakt dat er altijd sprake is van een veilig en sociaal klimaat
- Levert een bijdrage aan de ontwikkeling van een vrijwilligersbeleid
- Werkt actief aan het werven, begeleiden en motiveren van vrijwilligers
- Biedt praktische ondersteuning aan wijkinitiatieven en sociale groepen
- Organiseert, samen met vrijwilligers initiatieven en acties gericht op fondsenwerving
- In overleg met bestuur, fungeert programmableider als aanspreekpunt voor NGO's, maatschappelijke initiatieven en sociale groepen
- Verricht eenvoudige promotie- en marketingactiviteiten via diverse mediakanalen
- Ondersteunt bestuur met het uitvoeren van diverse werkzaamheden.

Functie-eisen

- Minimaal een MBO Niveau 4 opleiding op het gebied van welzijn of vergelijkbare opleiding die relevant is voor de taken van de programmableider
- Minimaal 3 jaar werkervaring in het organiseren van projecten
- Affiniteit met het sociale veld en kennis van de sociale kaart is een pré
- Beheerst meerdere talen (Papiamentu, Spaans en Engels, Nederlands is wenselijk)
- Beschikbaar ook gedurende middag en avonden (flexibiliteit)
- Heeft een geldige Rijbewijs B en beschikt over een vervoer
- Een recente verklaring van goed gedrag (niet ouder dan 3 maanden)
- Met voorkeur een persoon uit de omgeving van het buurtcentrum

Gelieve uw motivatiebrief en curriculum vitae uiterlijk op 20 juni 2025 te richten aan de Programma Coordinator BARIO UNICO, Gianni Bermudez, Beatrixstraat 8, Oranjestad. De documenten dienen uitsluitend digitaal via mail gestuurd te worden aan: barionanunico@cedearuba.org

Centro pa Desaroyo di Aruba

Beatrixstraat 8, Oranjestad, Aruba
Phone: +297-582-7666 • Email: info@cedearuba.org
Website: cedearuba.org

Abogado indigena ta lidera eleccion pa encabesa Corte Supremo di Mexico



(Reuters) – E defensor di derechonan indigena Hugo Aguilar ta liderando den campaña pa dirigi e corte mas halto di Mexico despues di e prome eleccion popular di e pais pa nombra hues y huesnan, segun datonan di autoridad electoral publica diamars.

Cu 93% di votonan conta for di e eleccion di diadomingo, Aguilar tabatin alrededor di

5.43 miyon voto, of 5.23% di e total. Lenia Batres, un aliado estrecho di e partido na mando Morena, tabata su tras cu 5.16 miyon di voto, of 4.97%.

Cinco hende muher ta entre e candidatonan principal, incluyendo tres hues actual di Corte Supremo cu ta alinea cu Morena, un consehero huridico di e ex presidente y un hefe di unidad di derechonan humano cu ta traha bou di e fiscal general actual.

“E ta un abogado hopi reconoci, e tin e credencial pa drenta corte”, Sheinbaum a bisa den un conferencia di prensa. “Esaki ta e meta: acceso igual na husticia pa tur Mexicano.”

Votacion riba diadomingo

pa alrededor di 2.600 hues y magistrado a atrae un participacion calcula di 13%. E criticonan a denuncia e proceso como demasiado compleho y a bisa cu e votacion lo por mina e independencia di e sistema hudicial di e pais.

“E dominio di Morena den e Corte Supremo nobo ta solidifica e influencia di largo plaso di e partido riba decisionnan hudicial, potencialmente limitando controlnan institucional riba e ejecutivo,” e analista di Eurasia Matias Gomez Leautaud a bisa. Morena tabatin un actuacion fuerte den e eleccion general di aña pasa, ya cu e partido y su aliadonan a gana mayoria den ambos corte legislativo. E analista di Bradesco BBI Rodolfo Ramos a bisa den un nota cu e liderazgo di Agui-

lar lo hacie mas cauteloso riba empresanan cu tin concesionnan di minería of infraestructura “cu interaccion significativa cu comunidannan indigena y medio ambiente.”

Un abogado Mixtec

Aguilar, un abogado Mixtec di e estado sur di Oaxaca, ta actualmente e coordinador di derechonan principal pa e Instituto Nacional de Pueblonan Indigena, despues di a ser nombra na 2018 pa ex Presidente Andres Manuel Lopez Obrador.

El a studia derecho constitucional y a traha den varios oficina di gobierno como coordinador y consehero pa derechonan di Indigena, y tambe asuntonan di tereno y agrario.

Papiando na un evento di campaña den su ciudad natal di San Agustin Tlacotepec fin di luna pasa, Aguilar a bisa cu aunke e reforma tabata controversial, gruponan indigena a mir’e como un oportunidad historico pa representacion.

Aguilar, kende a bisa cu si e ser eligi pa corte e lo bisti paña indigena, a priminti di priorisa e derechonan di tumamento di decision colectivo di comunidannan indigena.

Alrededor di 23 miyon Mexicano - alrededor di 19% - ta considera nan mes indigena, segun un censo di 2020. Sinembargo, nan ta enfrente pobreza desproporcional y representacion politico abou.

Legislatura di Ecuador ta sostene reforma cu ta permiti basenan militar stranhero

(Reuters) – Legislatura di asamblea nacional di Ecuador diamars a apoya un reforma constitucional cu lo permiti instalacion di basenan militar stranhero den e pais Sur Americano, parti di e plannan di presidente Daniel Noboa pa aumenta e cooperacion pa combati traficacion di droga.

E proposicion a ser sosteni pa 82 legislador mientras cu 60 a vota contra y seis a abstene. E



mester ser poni awor na votadornan den un referendum

riba un fecha fiha pa e autoridadnan electoral.

Noboa, kende a cuminsa un periodo completo na fin di mei, a bisa cu cooperacion internacional ta necesario pa combati gruponan di trafico di droga cu ta opera den hurisdiccion.

Legisladornan di su partido a bisa cu desde cu un base anterior na Merca a ser cera, Ecuador a bira un centro principal pa trafico di narcotica.

Pero oposicion ta bisa cu

presencia militar stranhero so lo no soluciona e problemanan di seguridad di e pais y cu gobierno mester di un plan cla pa combati criminalidad.

E ciudad costal di Manta tabata anfitrión di e base militar di Merca pa un decada te na 2009. Ex presidente di banda links Rafael Correa a dicidi di no renoba e permisionan di e base y a pusha un reforma constitucional pa prohibi basenan militar stranhero na Ecuador.

Funcionarionan Ecuatoriano a bisa aliadonan di presidente di Merca Donald Trump cu nan ta interesa den anfitrión di un base di Merca.

Noboa y Trump tabatin un encuentro informal despues na Florida. Tampoco a duna hopi detaye di loke nan a discuti.

Presidente di asamblea nacional Niels Olsen ta un aliado cercano di Noboa.

Peru ta anticipa un aumento chikito den produccion di koper na 2025

Un bataya largo contra minería ilegal di oro

(Reuters) – E produccion di koper na Peru, e di tres productor mas grandi di mundo, ta spera di crece levemente te na 2,8 miyon ton metrico e aña aki, mientras cu inversion den minería ta pronostica pa yega por lo menos 4,8 biyon dollar, e top funcionario di minería di e pais a bisa diamars.

Peru a produci alrededor di 2,7 miyon ton di koper na 2024 y a atrae \$4,96 biyon di inversion den e sector di minería clave.

Funcionarionan tambe ta enfoca mas y mas riba sacamento ilegal di oro, despues di e asesinato di 13 trahado di mina den e region rico

den oro di Pataz den noord di Peru, minister di Mina y Energia Jorge Montero a bisa den un conferencia di prensa.

Den e ultimo simannan, trupanan di ehército y polis a destrui minanan y tunel ilegal den e region, pero Montero a bisa cu e zona ta keda peligroso y prijsnan halto di oro ta stimula actividad ilegal.

“Esaki ta un bataya di largo plaso,” el a bisa. “cu prijs di oro riba \$3.000, tin un incentivo grandi pa minería ilegal.”

E represion na Pataz ta nifica cu e minería ilegal di oro ta parce di ta move pa otro areanan, el a bisa, manera e seronan di Cordillera del Condor na frontera cu Ecuador.

E exportacion di oro di Peru a suma na 15,5 biyon dollar na 2024, un aumento di 11 biyon e aña anterior. Alrededor di 40% di e exportacion di oro di Peru ta calcula pa bini di fuentenan ilegal, segun datonan di industria y e regulador financiero di Peru.

Montero a bisa cu tambe tabatin un aumento den minería di koper informal y ilegal den e regionnan di Apurimac y Arequipa di sur di Peru, aunke el a bisa cu e ta keda un cantidad hopi chikito di e produccion total di e pais.

Mina di koper mas halto Las Bambas, controla pa minero MMG ta situa na Apurimac, mientras cu e minero Canades Teck ta desaroyando e



proyecto di koper Zafranal na Arequipa den partnership cu Mitsubishi Materials.

Den añanan recien, e minería artesanal di koper a crea entrada hopi necesario pa e Peruanonan Andino di menos recurso, a pesar di a trece nan den conflicto cu e mineronan grandi.

Produccion di koper di

mineronan formal den e prome kwartaal di 2025 a alcanza 660,000 ton, casi 4% mas cu e mesun periodo di e aña anterior, Montero a bisa.

Mas cu \$1 biyon a ser gasta caba den e periodo di januari pa maart den e sector di minería, y ta anticipa mas inversion pa financia expansion di mina, exploracion y ekipo.

Cuba y China ta papia di intercambio deportivo mientras e sistema di e isla ta basha den otro



(CiberCuba) - Memey di e deterioro profundo di e sistema deportivo Cubano, e regimen di La Habana ta move su hilonan y un biaha mas ta bet riba e retorica di cooperacion internacional.

Dialuna ultimo, presidente Miguel Díaz-Canel a ricibi Gao Zhidan, un funcionario halto di Partido Comunista Chines y presidente di Comité Olimpico Chines, den e Palacio di Revolucion. E reunion a ser teni cu e meta pa fortalece e intercambianan deportivo entre e dos paisnan, segun Cubadebate.

Díaz-Canel a describi e bishita manera “hopi significativo” y a expresa su intencion pa promove training den conhunto, metodologianan comparti, y eventonan bilateral.

Sinembargo mas aleu di e palabranan diplomatico, e berdad ta cu Cuba tin masha poco pa ofrece awe na un poder manera China pa loke ta trata deporte.

Pa decadas, e deporte Cubano tabata un carchi di yamada di e regimen. Sinembargo, e pasado glorioso ey awor ta parti di un era pasa. Falta di inversion, e exodo constante

di atleta y coachnan, e deterioro di su infraestructura, y politisacion extremo a laga deporte nacional na rand di un collapse. Resultadonan den competencianan internacional ta birando mas scars, y procesonan di training tin falta di sostenibilidad.

Den contraste, China ta awe e di dos poder deportivo mas grandi riba e planeta, cu un modelo sumamente profesional, recursonan ilimita, desaroyo cientifico y tecnologico, y un sistema cu ta sostene su atletanan for di tera.

Ora ta trata di intercambio den e aspecto aki, e balansa ta completamente desbalansa: Cuba por ricibi mucho mas cu loke e por ofrece.

Si La Habana propone pa manda coachnan Cubano—por chempel, den disciplinanan manera boxeo—esaki lo nifica kita for di su propio atletanan e poco specialistanan cualifica cu ainda ta keda den e pais.

Esaki lo ripiti e patronchi di exportacion forsa cu ta sucede den e sistema di salud, caminda miles di dokter ta ser manda pa exterior mientras cu comunidannan dentro di Cuba ta enfrenta un scarsedad critico di cuido.

E tipo di intercambianan aki, presenta manera gestonan di solidaridad, en realidad ta sconde un drenahe di recursonan humano esencial pa e sobrevivencia interno di e pais.

Den un contexto di crisis sistematico sin precedente, caminda servicjonan basico ta cay den otro, cuminda ta scars, y hobennan ta huy, papia di fortalece deporte pa medio di “intercambio bilateral” cu un superpotencia manera China ta parece irrealistico y hasta contraproductivo.

E bishita di Gao Zhidan ta parti di un agenda geopolitico en bes di atletico. Poco prome, un otro funcionario Chines, Qiu Xiaoqi, a ser ricibi pa e minister di Asuntunan Exterior di Cuba, Bruno Rodríguez, pa reafirma e intencion pa desaroya un “comunidad di futuro comparti,” manera el a declara riba e red social X.

Tras di e retorica di amistad y cooperacion, China ta consolida su influencia diplomatico y strategico na Latino America, mientras cu e regimen Cubano ta purba di sigura sosten internacional

dilanti di su isolacion regional y su crisis interno.

Finalmente, e aliansa deportivo anuncia entre Cuba y China no ta basa riba terminonan igual, y den practica ta sirbi solamente pa reforsa e narrativa di propaganda di gobierno Cubano.

Mientras tanto, e deporte nacional, un tempo un simbolo di orguyo, ta cayendo den otro memey di un falta di recurso, un falta di interes estatal, y e abandono masivo di su hungadonan mas prometededor.



Vacature

CEDE ARUBA is op zoek naar een kandidaat voor de functie:

Projectadviseur (32 uur per week)

Ben jij:

- Een betrokken persoon met hart voor maatschappelijke ontwikkeling?
- Een scherpe denker met oog voor cijfers, plannen en mensen?
- Iemand die graag bruggen bouwt tussen lokale initiatieven en internationale fondsen? Dan zijn wij op zoek naar jou!

Wat ga je doen:

Als projectadviseur speel je een centrale rol in het ondersteunen van maatschappelijke initiatieven op Aruba. Je beoordeelt projectaanvragen en adviseert de directeur en het bestuur van CEDE ARUBA bij het nemen van financieringsbesluiten. Je bent het aanspreekpunt voor aanvragers en begeleidt hen gedurende de hele projectcyclus: van voorbereiding en uitvoering tot evaluatie. Je onderhoudt tevens het contact met onze internationale fondspartners en faciliteert het adviesproces richting deze samenwerkingsrelaties. Daarnaast monitor je lopende projecten, zowel inhoudelijk als financieel, en bied je coaching en ondersteuning aan NGO's, vaak in samenwerking met externe professionals.

Wij zoeken een collega met het volgende profiel:

- Je beschikt over HBO werk- en denkniveau;
- Je hebt ervaring met projectmatig werken en kennis van financieel administratieve processen;
- Je beschikt over een goed netwerk binnen het sociale veld op Aruba;
- Je hebt gedegen inzicht in maatschappelijke ontwikkelingen & NGO activiteiten;
- Je hebt kennis van sociaal maatschappelijke doelgroepen en organisatorische vraagstukken;
- Je bent proactief en klantgericht ingesteld;
- Je beschikt over sociale vaardigheden voor het adviseren, luisteren, begrijpen en reageren op aanvragers en in het overbrengen van informatie;
- Je bent actief in het volgen van ontwikkelingen en het mede doordenken van de consequenties hiervan voor adviezen en de eigen organisatie;
- Je beschikt over mondelinge en schriftelijke uitdrukkingsvaardigheden in het Papiaments, Nederlands en Engels. Spaans is een pre.

Wat biedt CEDE ARUBA jou?

- Een betekenisvolle functie met zichtbare maatschappelijke impact;
- Een enthousiast en ondersteunend team;
- Open-deur cultuur met een samenwerkingsgerichte sfeer;
- Goede arbeidsvoorwaarden en een marktconform salaris;
- Ruimte voor ontwikkeling via trainingen en kennisuitwisseling.

Gelieve je sollicitatiebrief & curriculum vitae uiterlijk op **15 juni 2025** te richten aan de directeur van CEDE ARUBA, Beatrixstraat 8, Oranjestad. Je sollicitatie dient digitaal te worden gestuurd naar: info@cedearuba.org
Voor inhoudelijke vragen kun je contact opnemen met de heer Krosendijk via 582-7666.

Centro pa Desaroyo di Aruba
Beatrixstraat 8, Oranjestad, Aruba
Phone: +297-582-7666 • Email: info@cedearuba.org
Website: cedearuba.org



Big Ocean ta kibra bareranan como K-pop su prome grupo sordo

(AP) - Big Ocean, un grupo di k-pop di 3 integrantes, kendenan ta artistanan cu discapacidad auditivo, ta redefiniendo e limitenan di musica y espectáculo - un ritmo pa un.

Ora cu Big Ocean subi escenario, nan ta incorpora lenguahe di seña den nan show. Sinembargo nan espectáculo puli ta basa riba un preparacion extenso usando hermentnan tecnologico cu a nace for di necesidad: holoshinan inteligente cu ta vibra y pulsa cu e ritmonan musical y metronomo visual di LED cu ta emiti señalnan di tempo durante e sesionnan di training.

E strategia tecnologico aki ta representa progreso significativo den Corea di Sur su progreso den e industria di entretenimento, unda oportu-

tunidadnan di carera pa esnan discapacita tabata historicamente limita.

E trio, JP, Jiseok y Chanyeon, a haci nan debut den april di 2024 y recientemente a caba un tour Europeo promoviendo nan prome aniversario. E banda a duna concierto na 4 pais, incluyendo Francia y Reino Uni, mientras cu nan tabata promoviendo nan di dos mini-album "Underwater," cual a lansa dia 20 di april.

PJ a bira conoci como un YouTuber cu tabata educa tocante discapacidadnan auditivo. Chanyeon anteriormente tabata traha como un audiologo y Jiseok tabata un atleta di ski profesional.

Pa logra e precision cu ta crucial den e genero su coreografia y musica exigente, Big Ocean ta depende riba tecno-



logianan cu poco bes ta mira den e genero. E miembronan ta bisti holoshinan inteligente

modifica cu ta duna nan señalnan ritmico na nan pols y metronomo visual - guanan di luz cu ta ilustra riba monitor - pa yuda nan keda den sincronisacion ora cu audio solamente no ta suficiente.

Chanyeon ta usa un dispositivo hibrido cu Bluetooth cu ta manda musica directamente for di dispositivonan. E grupo tambe ta usa un aplicacion cu ta revisa e bos y tecnologia di conversion di AI cu ta sostene training vocal y mehora audio despues di grabacionnan.

"Cada un di nos ta sinti ritmo diferente ora di baila," PJ a conta The Associated Press. "Pues ora nos ta toca e mesun cantica y baila dilanti spiel, cada un di nos tabata move mas lihe mientras e otro tabata move mas poco poco. Pa resolve e problema aki, nos a dicidi di memorisa tur cos hunto y crea nos propio señal cu otro."

E precision aki ta bira critico ora di show en bibo, unda problemanan inespera por stroba te hasta artistanan cu experiencia. "Ora nos a duna show na Francia, nos fanaticonan tabata gritando asina duro cu nos a perde e ritmo," Jiseok a bisa. "Pero nos a wak otro y rapidamente a maneha e situacion - manera nos a practica."

Efectonan di escenario y cierto estilonan musical ta crea obstaculo adicional. "Ora cu tin hopi huma, tin biaha momentariamente nos no por mira e movcion di escenario nos dilanti," PJ a bisa. "Nos concentracion ta sufri inme-

diatamente den e momentonan aki."


A pesar di e desafionan aki, Big Ocean su compromiso na accesibilidad y inclusion a inspira nan fanaticonan global. Big Ocean su fanaticonan - conoci como PADO - a responde cu compromiso similar.

"Ora di comunica cu PADO, nos a tende cu nan ta te hasta siñando lenguahe di seña Koreano pa nos, of nan ta siñando varios diferente lenguahe di seña pa comunica cu nos," Jiseok a conta. "Ora cu nos ta mira con hopi nan ta preparando y cu nan ta haciendo tur e esfuerzo ey, nos ta sinti un gradicimento inmenso."

E grupo ta usa Ingles pa comunicacion basico cu fanaticonan internacional y ta incorpora Lenguahe di Seña Koreano, Lenguahe di Seña Mericano y Lenguahe di Seña Internacional [pa promove accesibilidad y inclusion.

Cu bista den futuro, Big Ocean ta spera di por construi mas riba crecimiento di su perfil global creciente.

Cu reflexion riba nan prome aña, Chanyeon a bisa cu nan crecimiento mas grandi ta uno interno. "Semper mi a gusta keda safe - te hasta cu cuminda, mi tabata come solamente loke mi tabata custuma cune," el a expresa. "Pero via Big Ocean, mi a ricibi e curashi di por purba cosnan nobo. Esey ta loke mi ta mas satisfecho cune."



Vacatura: Directora UNOCA


Fundacion UNOCA, cu tin como meta pa traha na bienestar cultural di Aruba, tin vacatura pa un Director.

E persona aki lo ta responsabel pa maneho diario y pa logra e metanan strategico di UNOCA. E persona ta conseha e directiva na un manera pro-activo tocante asuntunan di maneho, administracion financiero, cuido di calidad di servicio, coordinacion di desaroyo di plan- y proyectonan y ehecutacion di plan- y proyectonan. Tambe, e ta lidera e team internamente. Ademas ta representa UNOCA externamente, ta mantene relacion cu instancianan gubernamental, prensa y partnernan.

Rekisitonan di e puesto:

- Educacion WO/HBO (Master/Bachelor) den direccion cultural, financiero, economico y/of juridico;
- 3 pa 5 aña di experiencia den un puesto cu ta inclui maneho;
- Dominio di Papiamentu, Hulandes y Ingles;
- Bon conocimiento di tereno y desaroyo cultural di Aruba;
- Conocemento di proceso di gobernacion;
- Habilidad den skirbimento y comunicacion;
- Conocemento di tecnologia digital.

Por manda nos bo aplicacion na info@unoca.aw no mas tarda cu 27 di juni 2025.



Actor Mericano Jonathan Joss a ser tira mata

(BBC) – E actor Mericano Jonathan Joss a ser tira mata den loke su casa ta bisa tabata un crimen di odio homofobico, aunke polis a bisa cu nan no a haya prueba di esey.

Joss, di 59 aña, tabata conoci pa duna bos na John Redcorn den e comiquita King of the Hill, y a hunga Hefe Ken Hotate den e sitcom Parks and Recreation.

Su casa Tristan Kern de Gonzales a bisa cu un homber “a cuminsa grita calumni- anan homofobico violento” y despues a los tiro ora nan tabata bishitando nan cas anterior, cu a keda destrui den un candela na januari.

Polis na Texas a bisa: “A pesar di declaracionnan online cu

esaki ta un crimen di odio, actualmente e investigacion no a haya ningun evidencia pa indica cu e asesinato di Sr. Joss tabata relaciona cu su orientacion sexual.”

E tiroteo a sosode ora e pareha a bay back na e sitio di nan cas bieu, cu “kima despues di mas cu dos aña di menasa di hendenan den e area cu repetidamente a bisa nos cu nan lo cende esaki na candela”, Gonzales a skirbi riba Facebook.

“Ora nos a regresa na e sitio pa controla nos post nos a descubri e cranio di un di nos cachonan y su cadena poni den bista cla. Esaki a causa nos tur dos un angustia emocional severo. Nos a cuminsa grita y yora como contesta riba e dolor di loke nos a

mira,” el a skirbi.

“Mientras nos tabata haciendo esaki un homber a acerca nos. El a cuminsa grita calumni- anan homofobico violento na nos. Despues el a coy un arma for di su scochi y a tira.

“Jonathan y ami no tabatin arma. Nos no tabata menasa niun hende. Nos tabata di luto. Nos tabata para banda di otro. Ora e homber a tira, Jonathan a pusha mi for di caminda. El a salba mi vida.”

Gonzales a agrega cu Joss “a duna mi mas amor den nos tempo hunto cu mayoria hende a yega di haya”, y cu nan tabata den proceso di busca un trailer despues di a casa riba Dia di San Valentino.



“Mi tabata hunto cune ora el a fayece. Mi a bis’e con hopi e tabata stima.”

Oficialnan a haya Joss drumi banda di un caminda na San Antonio despues di a ser yama pa un informe di tiroteo, CBS a informa.

Un sospechoso, Sigfredo Alvarez Ceja, a keda aresta bou sospecho di asesinato.

E comunicado di Departa-



mento di Polis di San Antonio a agrega: “Recherchenan ta maneha e acusacionnan aki hopi serio y a revisa profundamente tur informacion disponibel.”

“Si cualkier evidencia nobo sali na cla, e sospechoso lo ser acusa manera debe ser.”

Blake Lively ta retira dos demanda contra Justin Baldoni



(BBC) – E actriz Blake Lively a purba di retira dos di e declaracionnan cu el a haci tocante director Justin Baldoni.

Tur dos tabata envolvi den un disputa legal desde cu Lively a demanda Baldoni na december 2024 despues cu nan a traha hunto riba e pelicula ‘It Ends With Us’, acusando e di acoso sexual y un campaña di difamacion.

E equipo huridico di Baldoni a pidi Lively pa publica su registran medico, incluyendo notanan di terapia, como parti di su defensa contra su declaracionnan cu el a sufrí di “angustia y dolor emocional severo, humilicacion y berguensa”, Variety a bisa.

Lively ta purbando di retira declaracionnan di imposicion intencional di angustia emocional y imposicion negligente di angustia emocional, e publicacion a agrega.

E corte lo dicidi si e lo rechasa e demandanan of obliga Lively pa entrega informacion relaciona cu su salud



mental.

Documentonan presenta pa e equipo huridico di Baldoni dialuna a bisa: “En bes di cumpli cu e RFPnan Medico [Petición pa Proposición], e abogado di Sra. Lively recientemente a conseha nos, por escrito, cu Sra. Lively ta retirando su demandanan.”

Nan a skirbi cu Lively a nega nan “peticion rasonabel pa e retiro di tal demandanan ta cu prehuicio” habriendo e posibilidad cu nan por a ser representa.

E abogadonan di Lively a bisa Variety cu e presentacion di Baldoni tabata “un truco di prensa” y a bisa cu su defensa tabata “racionalisa y enfoca” su caso.

Na januari di e aña aki, Baldoni a contra-demanda Lively y su casa, e actor Ryan Reynolds, riba acusacionnan di extorsion civil, difamacion y invasion di privacidad.

Lively y Baldoni a keda pega den un disputa desde cu ‘It Ends With Us’, cual ta un adaptacion di un novela best-seller di Colleen Hoover, a

ser publica aña pasa.

Den e pelicula Lively a hunga e personahe principal, Lily Bloom, un mucha muher cu a lanta den presencia di abuso domestico, y ta haya su mes den e mesun posicion añanan despues.

E cantante Taylor Swift a ser convoca pa un corte Mericano luna pasa, despues cu a ser

alega cu el a curasha Baldoni pa acepta re-skirbimento di e rol di Lively.

Representantenan di Swift a bisa “e no tabata envolvi den ningun decision di elenco of creativo” y “nunca no a mira un edicion of a haci ningun nota riba e pelicula”. A retira e citacion mas o menos dos siman despues



SUPER SALE
June 6th–9th

40% OFF*
PAINTS & STAINS
Plus 30% off Supplies

Sale prices starting at **\$56.91**





Your neighborhood Sherwin-Williams store is right around the corner.

*Valid on retail sales of retail products only. Discount taken off of our list price. Sale pricing or other offers that result in greater savings will supersede this offer. Offer excludes previous purchases, gift cards, Peel & Stick Paint Samples, Multi-Purpose primers, Sketch Pad™ Dry Erase Coating, ladders, spray equipment and accessories. Other exclusions may apply, see store for details. Valid at US/Caribbean/Puerto Rico Sherwin-Williams retail paint stores only. We reserve the right to accept, refuse, or limit the use of any coupon. Offer valid 6/6/2025 – 6/9/2025.

Boxeo Mundial ta pidi dispensa pa a nombra campeon Olimpico Imane Khelif den politica di test di sexo

(AP) – Presidente di Boxeo Mundial a pidi dispensa despues cu e campeon Olimpico Imane Khelif a keda resalta den e anuncio di e organo di gubernacion pa haci test di sexo obligatorio.

E boxeador Argelino, cu a gana oro na e Weganan di Paris verano pasa meymey di control riba su eligibilidad, a ser menciona especificamente ora World Boxing a publica su politica nobo diabierna ultimo.

Dialuna, e presidente Boris van der Vorst a tuma contacto cu e Federacion di Boxeo Argelino pa reconoce cu esey tabata robes.



“Mi ta skirbiendo boso tur personalmente pa ofrece un disculpa formal y sincero pa esaki y reconoce cu su privacidad mester a ser proteha,” el a skirbi den un carta.

Khelif y su colega medayista di oro Lin Yu-ting di Taiwan

tabata den e spotlight na Paris pasobra e organo di gubernacion anterior pa boxeo Olimpico, e Asociacion Internacional di Boxeo, a descalifica tur dos bringador di nan campeonato mundial di 2023, alegando cu nan a faya un test di eligibilidad no especifica.

Sinembargo, e comision Olimpico Internacional a aplica reglanan di eligibilidad sexual usa den Weganan Olimpico anterior y a permiti Khelif y Lin pa competi.

World Boxing a ser aproba provisionalmente como e organisador di boxeo na e Weganan di Los Angeles 2028 y a enfrenta presion di boxeadores y nan federacionnan

pa crea normanan di eligibilidad sexual.

A bisa cu lo tin test obligatorio pa tur boxeador for di 1 di juli pa “garantisa e seguridad di tur participante y entrega un tereno di wega competitivo pa hende homber y hende muher.”

E organo di gubernacion a anuncia cu tur atleta riba 18 aña den su competencianan mester haci un test genetico di reaccion di cadena di polimerasa (PCR) pa determina nan sexo na nacemento. E test di PCR ta detecta material cromosomal a traves di un swab di boca, saliva of sanger.

Si un atleta cu tin intencion di competi den e categorianan

di hende muhar ta determina pa tin material cromosomal masculino, “e screening inicial lo ser referi na specialistanan clinico independiente pa screening genetico, perfilnan hormonal, examinacion anatomico of otro baloracion di perfil endocrino dor di specialistanan medico,” World Boxing a bisa. E politica tambe ta inclui un proceso di apelacion.

Khelif tin planea pa defende su medaya di oro na e Weganan di LA, pero algun boxdo y nan federacionnan a papia caba contra su inclusion.

E tabatin intencion di regresa na competencia internacional e luna aki den e Copa di Eindhoven Box na Hulanda.

Homber di Connecticut ta haya 33 aña di prison pa asesinato di mama di Olimpico

(AP) — Un homber di Connecticut a keda sentencia na 33 aña di prizon diamars pa e asesinato di mama di un atleta olimpico di Portorriqueño.

Jasper Greene, di 23 aña, di New Haven, tabata un di tres homber acusa den e morto di Mabel Martinez Antongiorgi riba 9 di april 2022. E dama di 56 aña tabata cose den su cas na Waterbury, mas o menos 48 kilometer di Hartford, ora un bala a bula door di un muraya y a dal den su cabes.

Martinez Antongiorgi su yiu muher, Yarimar Mercado Martinez, a competi Puerto Rico den tiramento di rifle



na e Weganan Olimpico na 2016, 2021 y 2024. E tabata na Brazil pa un otro competencia ora su mama a ser mata.

Greene a declara su mes culpabel di asesinato na februari.

Segun testimonio di corte, e tiramento fatal a surgi di un disputa cu un di e sospechosonan, Franklin Robinson,

tabatin cu un homber cu a bisa bon dia na su pareha. Robinson, Greene y un otro homber a tira riba un auto estaciona riba caya di Martinez Antongiorgi, pensando cu e homber tabata aden. Un bala a bay den cas di Martinez Antongiorgi. Un otro persona cu tabata para eyan a resulta herida pero a sobrevivir.

Un hurado a condens Robinson pa asesinato y otro acusacionnan na 2023 y despues el a ser sentencia na 90 aña di prizon.

E di tres sospechoso, Levi Brock, a declara su mes no culpabel na varios acusacion den e caso, incluyendo ases-

inato, y ta warda su huicio.

Na momento di morto di su mama, Mercado Martinez a lamenta den postnan riba medionan social cu e “no por a ni bisa ayo.”

“Dicon abo? Dicon di e manera aki?” el a skirbi. “Bo tabata djis sinta den bo cas chikito ta cose, manera semper bo tabata haci.”

Martinez Antongiorgi y su casa di mas cu 30 aña, John Luis Mercado, a muda pa Waterbury for di Puerto Rico algun aña despues cu Puerto Rico a soporta e horcan Maria devastador di 2017.

Indianapolis lo organisa prueba di landamento Olimpico di Merca atrobe na 2028

(AP) — E pruebanan di landamento Olimpico di Merca 2028 lo regresa na Lucas Oil Stadium di Indianapolis despues di a atrae multitud cu a kibra record aña pasa den e prome evento cu a tuma lugar den un stadion di futbol.

Oficialnan di USA Swimming a haci e anuncio diamars na Indianapolis unda e campeonatonan nacional di e aña aki ta ser teni e siman aki. Fechanan pa e evento no a ser anuncia ainda.

Organisadornan tin intencion di construi tres piscina temporal riba e tereno di NFL su Colts — un piscina di competencia di 50 meter y dos piscina di keintamento. E Centro di congreso di Indiana, cu ta conecta na e stadion, lo ta anfitrión di e Toyota Aqua Zone di USA Swimming.

Aña pasa, mas cu 285.000 fanático a asisti na e pruebanan di nueve dia. Esey tabata un aumento di 60% riba eventonan anterior. Record di sesion individual tambe a keda

kibra ora cu e rating di television a aumenta cu 20% for di e pruebanan di ekipo anterior na 2021. Organisadornan a calcula cu e evento a yuda genera 132 milyon dolar na entrada pa e ciudad.

E pruebanan di 2024 tambe a gana e Fan Engagement Award anual y tabata un finalista pa e evento di aña di Sports Business Journal.

Indianapolis tin un historia largo y grandi cu e pruebanan di landamento olimpico. E pruebanan di 2028 lo marca



e di ocho biaha cu e ciudad a organisa e evento for di 1924 ora Johnny Weissmuller y Duke Kahanamoku tabata e streanan.

Otro nombrenan conoci cu a clasifica pa e ekiponan olimpico di Merca ta inclui Amanda Beard, Janet Evans, Rowdy Gaines, Katie

Ledecky, Ryan Lochte, Michael Phelps, Jenny Thompson y Dara Torres.

E Weganan Olimpico di 2028 lo tuma lugar na Los Angeles y por bolbe conta cu e duo ruman homber-ruman muher di Alex y Aaron Shackell, cu a landa pa Carmel High School den cercania.

Awe den historia:

9 aña desde cu mundo a despedi di e atleta historico Muhammad Ali

(Biography) - Muhammad Ali tabata un campeón di boxeo den e categoria di 'heavyweight' cu un record impresionante di 56 victoria. Tambe e tabata conoci pa su posicion publico contra e guerra di Vietnam.

Muhammad Ali a nace dia 17 di januari den 1942 na Louisville, Kentucky. Su nomber di nacemento tabata Cassius Marcellus Clay Jr.

Na un etapa trempan di su bida, Clay a demostra cu e no tabatin miedo di ningun pelea ni dentro ni fuera di ring. Creciendo den e parti sur y segrega, el a experiencia prehuicio racial y discriminacion personalmente.

Cu edad di 12 aña, Clay a descubri su talento pa boxeo como si fuera su destino na timon. Despues cu a horta su bicicleta, Clay a bisa oficial Joe Martin cu e tabata kier bati e ladron. "Well, bo mes-ter siña con pa pleita prome cu bo cuminsa desafia hende," Martin a contesta e tempo aki. Ademas di ta un polis, Martin tabata train boxeador- nan hoben na un gym local.

Clay tabata studia na scolnan publico pa hende di color scur, incluyendo Central High School na Louisville for di 1956 pa 1960. Hopi biaha e tabata soña den klas y tabata practica boxeo na scol tambe - e tabata den training pa e Olimpiada di 1960 den e tempo aki - y su puntonan na scol tabata asina malo cu su docentenan no tabata kier lag'e gradua. Sinembargo, e rector di e tempo aki Atwood Wilson tabata mira e potencial den Clay y a opone esaki, sarcasticamente puntrando e empleadonan "bo ta kere cu mi lo ta e rector di un scol cu Cassius Clay no a caba?"



Ali tabata un boxeador, un filantropo y un activista social cu tabata universalmente considera un di e atletanan mas grandioso di siglo 20. Ali a bira un medayista di oro Olimpico den 1960 y e campeón mundial den boxeo di e categoria 'heavyweight' den 1964.

Despues di su suspension a causa di nenga forma parti di ehercito den e guerra di Vietnam, Ali a reclama e titulo di 'heavyweight' dos biaha mas durante añanan 1970, ganando peleanan famoso contra Joe Frazier y Goerge Foreman na caminda.

Clay a conoce e minister carismatico di Nation of Islam Malcom X na un mitin cu tabata tumando luga na Detroit den juni di 1962. Impresiona pa Malcom X su balentia como un orador, ambos a desaroya un amistad y Clay a involucra cada biaha mas den e grupo yama 'Black Muslim.' Malcom X a te hasta asigna un asociado pa yuda maneha

Clay su asuntonan den bida diario.

Den 1964, Malcom X a hiba su famia bishita Clay mientras e tabata train na Florida pa su pelea contra Sonny Liston pa e titulo. Clay su victoria contra Liston a logra su prome campeonato den boxeo 'heavyweight' mundial. Despues di e victoria, ambos a tene un anochi di reflexion den camber di hotel cu Jim Brown y Sam Cooke cu a bira e inspiracion pa e obra di teatro One Night in Miami y un pelicula den 2020.

E proximo mainta, dia 26 di februari, Clay a anuncia su conexion cu Nation of Islam. Prome, el a yama su mes Cassius X prome cu el a yega na y keda cu e nomber Muhammad Ali. Sorprendentemente, su lealtad tabata pa e lider supremo Elijah Muhammad y no Malcom X den exilio. Ali y Malcom su amistad a fractura rapidamente, y ambos a tuma nan caminda separa.

Ali no a demostra hopi

lamento despues di Malcom X su asesinato dia 21 di februari den 1965, sinembargo el a admiti den un memoir di 2005 Soul of a Butterfly cu "bira mi lomba pa Malcom ta un di e erornan cu mas mi ta lamenta den mi bida."

E boxeador eventualmente a converti na Islam ortodox durante añanan 1970.

Ali a cuminsa un pelea di un tipo diferente cu su punto di bista contra e Guerra di Vietnam. Recluta pa dreña ehercito den april di 1967, el a nenga tuma parti a base di e hecho cu e tabata den proceso di bira minister e Musulman cu creencianan religioso cu ta preveni su persona di lucha. El a keda deteni pa comete un delito y a kita su titulo mundial y licencia di boxeo casi inmediatamente.

U.S. Justice Department a persigui un caso legal contra Ali y a nenga e acusacion den su contra. El a ser declara culpable di ta den violacion di leyman di Selective Service y sentencia na 5 aña den prison pa juni 1967 pero a keda den libertad mientras e tabata apelando su condena.

Sin por competi na nivel profesional mientras tanto, Ali a perde mas cu 3 aña di su carera atletico na e punto mas halto. Despues di su suspension, Ali a haya refugio na Chicago su parti sur, unda el a biba for di mita di 1960 te na 1970. El a sigui train, a forma liganan id boxeo amateur y a pleita contra ken cu e tabata por den gymnan local. Finalmente, el a ricibi un li-

cencia pa pelea den 1970 na Georgia, cual no tabatin un comision atletico estatal, y Ali a bolbe dreña ring na Atlanta su City Auditorium dia 26 di october cu un victoria contra Jerry Quarry. Algun luna despues, Corte Supremo Mericano a anula su condena den juni di 1971, permitiendo Ali pleita cu mas regularidad.

Ali a casa 4 biaha y tin 9 yiu, incluyendo dos yiu muhe - Miya y Khaliah - fuera di matrimonio. Den 1984, Ali a anuncia cu el a ricibi un diagnostico di Parkinson's, un condicion neurológico. A pesar di e progreso di Parkinson's y otro condicionnan den su salud, el a keda activo den bida publico.

Ali a retira for di boxeo den 1981 y a dedica hopi di su tempo na filantropia. El a gana e medaya Presidential Medal of Freedom den aña 2005.


Den su retiro, Ali a dedica hopi di su tempo na filantropia. Durante e añanan, Ali a sostene Special Olympics y Make-A-Wish Foundation, entre otro organisacionnan. Den 1996, el a cende e candel Olimpico na Summer Olympic Games na Atlanta, un momento di hopi emocion den historia di deporte.

Ali a biaha na varios pais, incluyendo Mexico y Maroco, pa yuda esnan den necesidad. Den 1998, el a ser scogi tambe pa bira un United Nations Messenger of Peace a causa di su trabao den nacionnan di desaroyo.

El a biba e decada final di su bida den Paradise Valley, Arizona.

Algun aña prome cu su fayecimiento, Ali a ricibi un operacion pa un condicion yama 'spinal stenosis,' un condicion cu ta afecta e columna, cual a limita su movilidad y habilidad di por comunica. Den comienso di 2015, el a bataya contra pneumonia y a keda hospitalisa pa un infeccion.

Ali a fayece dia 3 di juni den 2016 na Scottsdale, Arizona, despues di ta hospitalisa pa loko tabata un problema di respiracion. E tabatin 74 aña ora cu el a fayece.



Meta ta firma acuerdo di energia nuclear pa necesidadnan di AI

(AP) - Meta a yega un acuerdo di 20 aña pa sigura energia nuclear pa yuda cumpli cu e necesidadnan pa inteligencia artificial y otro necesidadnan di computer na compania propietario di Facebook.

E inversion cu Meta tambe lo expande e suministro di Constellation Energy Illinois us planta nuclear.

E acuerdo aki anuncia diamars ta marca e mas recien di e partnership nuclear mientras e uso di AI ta expande. Detayenan financiero i e acuerdo no a keda revela.

Constellation Clinton Clean Energy Center tabata den plan pa cera den 2017 despues di añanan di perdida financiero pero a salba despues di legislacion di Illinois cu ta establece un programa di credito di cero emision cu ta sostene e planta te cu 2027. E acuerdo aki ta drenta den efecto den juni di 2027, ora cu e estado su programa ta caduca.

Cu e yega di Meta, Clinton su energia limpi lo expande cu 30 megawatt, lo preserva 1,100 trabao local y trece un ganashi di 13.5 miyon dollar den ganashi di impuesto, segun e companianan. "Garantisa energia limpi y confiable ta necesario pa sigui avansar nos ambicionnan di AI," Urvi Parekh, Meta su hefe di energia global a comenta.



Inversionnan cu ta surgiendo den e reactornan nuclear chikito ta bini durante un tempo unda companianan di tecnologia grandi ta enfrentando dos exigencia grandi: un necesidad pa aumentar suministro di energia pa AI y centronan di data, y entre otro necesidadnan, mientras tambe ta purba cumpli cu metanan di termino largo cu ta significativamente corta emision di gas berde.

Constellation, doño di e planta di energia nuclear Three Mile Island, a bisa den september cu e tin plan di restart e reactor pa asina gigante den tecnologia Microsoft por garantisa energia pa provee na su centronan di data. Three Mile Island, situa na Susquehanna River net pafo di Harrisburg, Pennsylvania, tabata e sitio di e nacion su pio accidente di energia nuclear den 1979.

Tambe, recientemente ama-

zon a bisa cu e lo inverti den reactor nuclear chikito, dos dia despues di un anuncio similar di Google. Adicionalmente, Google a anuncia luna pasa cu e lo inverti den 3 proyecto di energia nuclear avansa cu Elementl Power.

Estadonan Mericano ta posicionando nan mes pa cumpli cu e industria di tecnologia su necesidadnan di energia como policymakers considerando subsidionan den expansion y poniendo obstaculonan regulatorio.

Aña pasa, 25 estado a aproba legislacion pa sostene energia nuclear avansa y legisladornan e aña aki a introduci mas di 200 proposicion cu ta sostene energia nuclear, segun e asociacion Nuclear Energy Institute.

Diseño di reactor avansa for di firmanan den competencia ta yenando e gobierno federal su mesa regulatorio mien-



tras e industria ta elogia nan como un manera confiable y miho pa e clima pa cumpli cu exigencianan di gigantenan den tecnologia desespera pa podera e plataformanan di inteligencia artificial creciente.

Sinembargo, e ta tiki probable cu Merca lo por multiplica su produccion nuclear dentro di e proximo 25 aña, manera Cas Blanco kier. Merca tin falta di cualkier reactor di proximo generacion

operando na nivel comercial y solamente 2 reactor grandi nobo cu a construi for di nada den casi 50 aña. E dos reactornan, na un planta nuclear den Georgia, a keda completa laat y por lo menos 17 biyon mas cu e presupuesto.

Amazon, Google y Microsoft tambe ta invirtiendo den tecnologianan solar y di biento, cual a haci electricidad sin produci emision di gasnan berde.

Spaña ta cancela un contract pa misilnan 'anti-tank' crea pa un subsidiario Israeli

(AP) - Spaña a cancela un acuerdo pa sistemanan di misil 'anti-tank' cu un subsidiario di Israel mester a fabrica na Madrid, parti di accion pa move for di tecnologia militar Israeli, Ministerio di Defensa a

bisa diamars.

E decision lo afecta e licencia di 168 SPIKE LR2 su sistemanan di misil 'anti-tank' cu un balor calcula di 325 miyon dollar. E sistemanan lo a ta desaroya pa Spaña pa Pap

Tecnos, un subsidiario basa na Madrid di Israel su rafael Advanced Defense Systems, segun prensa local.

"E meta ta uno cla.. un desconexion total for di tecnologia di Israel," vocero di gobierno Pilar Alegria a bisa reporteronan, agregando cu e gobierno ta estudiante e "efectonan di e cancelacion."

Israel su Ministerio di Defensa a referi preguntanan tocante e decision na Rafael. E compania su oficina di prensa a bisa den un declaracion na The Associated Press cu "e no tabata informa tocante cualkier cancelacion." Pap Tecnos, localisa pafo di Madrid, no a duna comentario.

Spaña a aproba e acuerdo dia 3 di october den 2023, 4 dia



prome cu un agresion lidera pa Hamas na parti sur di Israel cu a causa un guerra devastador na Gaza. Autoridadnan a argumenta cu e tempo cu e sistemanan usa pa forsanar Spañol tabata obsoleto y mester keda reemplasa pa versionnan actualisa manera esnan usa pa ehercitonan aliado.

Spaña su gobierno isquierdista a bisa cu el a stop di exporta arma pa Israel desde dia 2 di october den 2023, pero taba-

tin reportahe cu algun carga a yega tog.

Aña pasa, Merca a habri un investigacion tocante si aliado di NATO Spaña a nenga entrada na e waf pa por lo menos 3 barco di cargamento aparentemente transportando arma di Merca pa Israel.

Spaña formalmente a reconoce un estado Palestino di mei den 2024 den un esfuerso coordina cu Noruega y Irlanda. Un luna despues, Spaña a bira e prome pais Europeo den pidi e corte top di Nacionnan Uni, e Corte Internacional di Husticia, permiso pa uni na un caso cu Sur Africa a trece dilanti unda ta acusa Israel di genocidio na Gaza. Israel ta nenga fuertemente e acusacion den su contra.



Ministro di Turismo y Salubridad ta anuncia cu entrante **5 JUNI 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un koffiehuis- y un restaurantvergunning B cu musica y baile pa e parcela **Gutenbergstraat 4, lok. 1-2**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan desacuerdo contra dunamento di e permisonan menciona, dirigi na e Minister encarga cu Turismo y Salubridad, via intermediacion di Director di Legislacion y Asunto Huridico, **Schotlandstraat 53**.

Ambulance a bay pa dama na estado involvi den un accidente

Diamars atardi a drenta informe di un accidente na e salida di un gym na e rotonde Paperclip, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un persona na estado ta involvi. Na yegada di e ambulance nan a atende e dama na estado na e sitio mes.



E di 3 incidente cu persona di edad pa e aña aki



Diamars prome cu merdia a drenta informe di cu tin un homber benta meymey di caminda na Cura Cabay, mesora a dirigi tanto polis como ambulance na e sitio.

Na yegada di e patruya a bin topa un homber di edad cu e ta hay'e den un incidente. E prome tabata ora el a drenta cu auto stret den un cura di cas, e di 2 el a manda su auto den lama y awor nan a lag'e na

un bar den cercania di Cura Cabay y a bin hay'e meymey di caminda. Na yegada di e ambulance nan a atend'e y a transport'e pa haya atencion medico.

Pick-up no a duna electric scooter preferencia na rotonde Lucianitastraat



Diamars mainta a drenta informe di un accidente na e rotonde Lucianitastraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un pick-up color preto biniendo for di Santa Helenastraat no a duna preferencia na un scooter electrico. Debi na e

impacto e manchador di e scooter a resulta herida. Na yegada di e ambulance nan a atende e manchador na e sitio mes mientras e manchador di e pick-up a bandona e sitio.

Chauffeur a bay dal tras di un Nissan March



Dialuna mainta a drenta informe di un accidente na e rotonde Tarabana, mesora a dirigi un patruya na e sitio.

Na yegada di e patruya a bin compronde cu aki ta trata di

un accidente biniendo for di Meiveld unda un chauffeur no a regula su velocidad ni a mantene distancia y a bay dal tras di un Nissan March. Afortunadamente ningun hende a resulta herida.

Motociclista involvi den un accidente na e rotonde di aeropuerto



Diamars atardi a drenta informe di un accidente na e rotonde dilanti airport, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente entre un auto di huur cu un brommer unda e auto no a duna preferencia na e brommer. Afortunadamente e motociclista no a resulta herida.



FIND US ON
Instagram
@bondiaaruba
ALSO AVAILABLE ON
X f d


Hues ta nenga privacidad den caso di divorcio di dokter acusa di purba asesina su casa

(AP) - Un hues a nenga un peticion pa mantene proceso priva den un caso di divorcio pa anestesioologo di Hawaii cu a purba asesina su casa durante hike.

Gerhardt Konig su casa a pidi divorcio luna pasa despues cu a acusa su persona di intento di asesinato. Konig a declara su mes inocente. Fiscalnan a bisa cu el a push'e na rand di un sero, a purba inyecta su persona cu un hangua y despues a dal e den su cabes cu un piedra ora cu nan tabata hike na Honolulu den maart.

E pareha tabata bishitando Oahu mientras cu nan yunan a keda na Maui.

Un abogado representando e casa a entrega un mocion pa tene e caso di divorcio tras porta cera, leu for di wowo publico pa proteha e priva-



cidad di e pareha su yunan chikito. E casa tambe tabata den obhecion di laga camaranan di noticia documenta e proceso di nan divorcio.

Segun recordnan di corte, un hues a nenga su peticion durante un audiencia dialuna. "Actualmente, nos no tin ningun comentario mas cu dirigi media pa evalua nos obhecion na e aplicacion pa cobe-

rtura extenso y roga e publico general pa respeta e famia aki su privacidad durante e momentonan dificil aki," un abogado di e casa a bisa den email manda na The Associated Press diamars.

Abogadonan pa Konig no a response na un email pidiendo comentario tocante e decision. E no tabata opone e casa su mocion pa cu e caso di



divorcio.

Konig su casa tambe a pidi un orden di alehamento temporario despues di e incidente, cual ta bisa cu Konig a acusa su persona den december di a tin un relacion fuera di e matrimonio y cu nan tabata den terapia di pareha. Tambe el a bisa cu su casa a abusa di su persona sexualmente y a

agredi su persona.

Desde e tempo aki el a bisa acepta cu e orden di alehamento awo ta innecesario pa motibo cu su casa ta deteni sin posibilidad di fianza durante e caso criminal den su contra. Su abogado a bisa cu posiblemente e lo bolbe entrega e peticion si Konig su status di custodia cambia.

Mas di 100 prisionero ta huy y 1 ta muri ora cu temblor a causa evacuacion di prison na Pakistan

(AP) - Mas di 100 prisionero a scapa for di un prison y por lo menos 1 di nan a keda asesina den un tiroteo na e ciudad Pakistani di Karachi durante anoche, esaki despues cu nan a keda temporariamente saca for di nan cel despues di temblor leve, oficialnan a bisa diamars.

Kashif Abbasi, un oficial di polis, a bisa cu 216 prisionero a huy for di e prison den e capital di e provincia Sindh prome cu mainta. Di nan, 78 a keda captura. Ningun di

nan ta condena of enfrentando huicio como militante, el a informa.

Un prisionero a resulta herida y a fayece y 3 guardia di seguridad a keda herida den e tiroteo cu a surgi despues, sinembargo e situacion ta bao control Abbasi a declara, agregando cu polis ta ehecutando inval pa captura e otro nan cu a scapa.

Ziaul Hassan, e cas di minister di e provincia Sindh, a bisa cu e huida a tuma luga despues cu e prisioneronan a

keda evacua for di nan cel pa seguridad durante e terremoto. E detenidonan tabata pafu di e cel ora cu un grupo a ataca e guardianan, a confisca nan arma y a los tiro pa huy. Arshad Shah, e encargado cu Malir Prison, a bisa cu e detenidonan a huy na un area residencial cercano. Segun e residentenan, polis despues a usa speaker pa alerta e area di e sucedido y busca ayudo den detencion di e escapadonan.

Minister di Sindh, Murad Ali Shah, ken no ta conecta na e oficial di prison, a pidi e prisioneronan scapa den comentarionan televisa pa regresa nan mes, bisando cu nan tabata involucra den crimen menor te cu e punto aki. Pero el a bisa cu nan por enfrenta acusacionnan di terror si nan keda deteni pa polis cu e cargo di scapa.

Oranan despues, minister di informacion, Sharjeel Memon, a bisa cu e gobierno a despedi hefe di prison Nazir Ahmad y dos otro oficial, incluyendo esun encarga cu e prison, a causa di e escape.

Oranan despues, esfuersonan te ainda tabata andando pa recaptura tur e escapadonan.

Aunke e prisioneronan den



pasado a scapa mientras nan tabata transporta na corte pa e huicio, escape na prisionnan no ta algo comun na Pakistan, unda autoridadnan a mehora seguridad desde aña 2013 ora

cu Taliban di Pakistan a libera pas cu 200 prisionero den un atake contra un persona den e distrito di Dera Ismail Khan.



Joel Rajnherc a defende su tesis den tecnologia y ingenieria for di e programa di SISSTEM na Universidad di Aruba cu exito!

Sr. Joel Rajnherc, un estudiante na Universidad di Aruba, a defende exitosamente su Bachelor tesis titula “Speech-to-text model for keyword spotting applications in the Papiamento language within a healthcare environment”, logrando un meta academico importante den specialisacion di tecnologia y ingenieria for di e programa SISSTEM (Sustainable Island Solutions through Science, Technology, Engineering, and Mathematics).

Durante su defensa cu a tuma lugar diabierna mainta riba 23 di mei 2025, Joel a demostra e resultadonan di su inves-



tigacion cu a graba audio di 280 boluntario na varios luga, incluyendo Universidad di Aruba y EPI. Despues el a usa e grabacionnan pa entrena un model matematico usando e tecnologia di “Deep Learning” pa reconoce palabranan clave na Papiamento. Joel a usa “Convolutional Neural Networks”, un tecnica cu ta ser usa den red di neuro-


























nanan artificial y ta conoci pa funciona bon riba imagenan, pa reconoce patronchi den imagen di zonido. E bachelor tesis a resalta door di ta un prome paso na Universidad di Aruba pa guia su studiantenan talentoso den creacion di mas dato pa futuro aplicacionnan di inteligencia artificial cu por yuda cu accesibilidad, inclusion, y ofrece formanan nobo pa interactua cu tecnologia den nos idioma nativo Papiamento. “Esaki ta djis e comienso di loke ta na caminda. Na UA, nos ta dedica na construi e capacidad riba e isla pa atende e retonan cu ta dilanti nos”, asina Dr. Sultan, decano di e facultad di ciencia y arte, y un co-evaluador di Joel su tesis, a bisa.

Joel a limita su area di investigacion na cuido di salud, pa explora con pa integra e tecnologia di “smart speakers” den institucionan medico, manera ImSan na San Nicolas. Conhuntamente cu Full Stack Vision Foundation, el a logra adapta e mod-

elo matematico pa traha den tempo real riba e Raspberry PI 4 mini computer cu ta usa tiki coriente. MSc. Francis Lacle a supervisa e tesis, y Dr. Salys Sultan y Dr. Eric Mijts a co-evalua. Adicionalmente, tabata tin dos revisor externo den e comision, esta MSc. Peter Scholing, kende a revisa e aspecto di digitalisacion di Papiamento y BSc. John Becker, kende a revisa e aspecto di e futuro integracion di e sistema den un ambiente medico manera na ImSan. Segun Becker, “Door di incorpora nos idioma nativo di Papiamento, e tecnologia aki lo facilita miho comunicacion cerca pashentnan”.

E defensa exitoso di e tesis ta marca un paso esencial den e trayecto academico di Sr. Joel Rajnherc. E ta un ehempel tambe di e compromiso di Universidad di Aruba pa yuda su studiantenan contribui na innovacionnan positivo y sostenibel den e tereno científico di inteligencia artificial cu ta desaroyando rapidamente.

Resultado Sorteo Juni 03			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
6749	9114	6344	5684
3881	9031	SUPER5	0507
7678	5236	-	0295

MERDIA		ANOCHI	
			
Sorteo # 4639	Sorteo # 8560	Sorteo #	Joker Letter
4633	9199	0 x Jackpot	Proximo Jackpot
7960	6384	0 x Match 4+	110.000,-
2756	8504	0 x Match 4	
		0 x Afl. 12,00	
X2	FP		
			
Sorteo # 4639	Sorteo # 7604		01-14-17-23-25
0239	6219	Sorteo # 6845	Proximo Jackpot
		0 x Jackpot	73.000,-
FP	FP	9 x Match 4	
		205 x Afl. 8,00	
Sorteo # 2695	Sorteo # 2309		
0672	9976		10-27-29-30
		Sorteo # 1772	Mega Ball 03
Sorteo # 4639	Sorteo # 6363	0 x Jackpot	Proximo Jackpot
5803	0216	0 x match 4	385.000,-
Capricornio	Acuario	7 x Afl. 500,00	
		84 x Afl. 50,00	
Sorteo # 1513	Sorteo # 1293	99 x Afl. 15,00	
462	774		Afl. 560.000,-
			
X3	X2	Sorteo #	

Afl. 560.000,-





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
del Pueblo Centro Medico:
Tel. 582 1253 Tel. 584 5794

EMERGENCIA **911**

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Polis na Budapest ta nenga peticion pa marcha di LGBTQ+ citando Hungria su prohibicion legislativo di Pride



(AP) - Polis a emiti un ordo diamars unda ta nenga e peticion pa tene un evento di LGBTQ+ mas adelante na Budapest, un consecuencia di e pasonan recien di e gobierno populista y derechista cu e meta di prohibi e marcha Budapest Pride.

E polis su decision di prohibi e evento aki cu mester a tuma luga mas adelante den e luna aki a bini despues cu Hungria su parlamento a aproba un legislacion den maart, y un amienda constitucional e luna despues, cu ta permiti e gobierno prohibi eventonan publico di e comunidnan LGBTQ+ - decisionnan cu academiconan legal y criticonan a yama otro paso den direccion di regimen autoritario di un gobierno autoritario.

Den su hustificacion pa e prohibicion di e evento na Budapest, cual e organisadornan a pidi pa tuma luga dia 28 di juni, e ciudad su polis a argumenta cu e "no por keda descarta, ni tampoco e ta inevitable, cu un persona bao di edad di 18 lo por participa den conducta legalmente prohibi" si e atende e marcha proponi.

Polis tambe a argumenta cu e marcha por resulta den "victima pasivo", kendenan debi na e naturalesa di e marcha di e asamblea, no tabatin deseo di atende a esaki, pero a causa di su caracter publico, ta converti den audiencia di tur manera."

Den un declaracion, e organisadornan a bisa cu e decision di polis ta un "ehemplo cla di

tiranía."

E prohibicion di eventonan LGBTQ+ - cual e gobierno ta bia ta garantiza e muchanan su derecho na desaroyo moral, fisico y spiritual - ta permiti duna boet na personanan cu organisa of forma parti di eventonan Pride, y

e uso di programacionnan di reconocimiento facial pa identifica nan.

Hungria su legislacion controversial "Child Protection" ta prohibi e "promocion of ilustracion di homosexualidad na menornan di menos di 18 aña.

Pronostico di tempo

Tempo:

Awe nochi: parcialmente nubia y generalmente seco
Den marduga y mañan: parcialmente nubia cu un awasero pasahero

Temperatura maximo 33 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 34 pa 40 grado Celsius
Uv index: 12

Bahada di solo: 7:03pm
Subida di solo: 6:13am

Biento:

Moderate basta fuerte for di direccion oost; forsa 4 te 5 (20 te 39 km/ora, 11 te 21 nudo)
Den di dia fuerte te duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:

Extension di e area di presion halto riba Atlantico lo sostene un biento fuerte te duro den rafaga durante proximo dianan. Atmosfera den e nivelnan mas abou ta relativamente seco y aparte di un awasero pasahero den oranan di marduga y main-



ta trempa tempo lo keda seco.

Un concentracion moderata halto di stof di Sahara lo ta presente den atmosfera regional. Esaki lo stroba e visibilidad y lo trece aire di menos calidad den region. Personanan cu tin sensibilidad pa cambianan den calidad di aire mester tene esaki na cuenta. E concentracion lo bira menos durante proximo dianan.

Condicionnan maritimio/ estado di lama:

Na partinan protegi di costa: keto, rond di 1 pia.
Na partinan zuid: tranquil te modera cu olanan di 1 pa 3 pia.
Na partinan oost te noordwest di costa: modera te localmente poco bruto cu olanan di 4 pa 7 pia.

Aurora
Royal Pray
Funeral Home & Crematory

“Señor ta mi wardador, mi’n tin falta di nada
Den cunucu di yerba verde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23

Cu tristesa na nos curason y conforme cu boluntad
di nos bon Dios, nos ta anuncia fayecimento di nos
ser stima:



Fortunato Rubio Koolman

Cariñosamente yama “Rubio”
*21-04-1937 - † 29-05-2025

Na number di su **estimada esposa**:
Lourdes Koolman-Leonardo

Mescos cu su yiunan:
Arturo y Edith Anjie-Haayen y famia
Carol y Enny Anjie- Kelly y famia

Su **rumannan**:
Wilfrido y Margot Koolman-Lampe y famia
Rosendo y Enilda Koolman de Mey y famia
Gerrit y Denise Koolman- Arends y famia

Su cuña y swa nan:
Alcantara Leonardo y famia
Edgard y Armgard Leonardo Loewenthal y famia
Famia Leonardo na Hulanda
Famia Kuiperdaal na Hulanda
Famia de Jongh na Boneiro
Marchena y famia
Pourier y famia

Sobrino y sobrina:
Nelson y Lucia Yarzagaray-Danje y famia
Roland Koolman y famia
Robert Koolman y famia
Vivian Yarzagaray y famia

Primo y prima nan mas yega:
Robby, Elvia, Harry, Swinda, Aida y Hubert
Koolman

**Tur primo y primanan, sobrino y sobrina nan
y demas famia:** Koolman, Leonardo, Lampe,
Anjie, de Mey, Arends, Yarzagaray, Ponson, Wouters,
Haayen, Kelly, Kuiperdaal, de Lange, Marchena,
Solagnier, de Jongh, Lin, Martijn, Henriquez,
Zarraga y Lacle.

Nos ta pidi disculpa si den nos tristeza nos por a
lubida algun famia of conocir di nos difuntu stima.
Ta invita tur amigo, bisiaña y conocirnan pa asisti na
e **acto di despedida** cual lo tuma lugar
Diaranson 4 di Juni 2025 na Pray Funeral Home di
2or pa 4or di atardi.

Cremacion lo tuma lugar den seno familiar.
Lamentablemente despues di ceremonia di
despedida nos no ta ricibi bishita di condolencia na
cas.

Cada mensahe y muestra di atencion ta altamente
aprecia.

Aurora
Royal Pray
Funeral Home & Crematory

Lagrima y flornan por
seca, su recuerdonan
y tur loke el a haci y
significa pa nos lo keda
graba pa semper den nos
mente y curason.
"Cerca Dios mi alma
ta na paz, ta di Dj'e mi
salbacion ta bin"
Salmo 62:1



A fayece inesperadamente;

Sra. Catharina Maria Ras-Croes

Miho conoci como "Inchi"
*02-08-1943 - †30-05-2025

Na number di su:
Mayornan; †Benito y †Lima Croes-Jansen

Esposo; †Timoteo Ras

Yiunan; Richard y Marsolaire Ras-Peñaloza
Elvis Ras y Jaki Rojas

Nieto/anan; Lydy-Ann Ras y Rygel Harms, Elgean
Ras y Janella Geerman, Richienell Ras,
Mia Ras, Mina Ras

Su bisanieto; Rygean Ras

Rumannan;
†Mateo y †Hilda Croes-Donata y famia
†Livia y †Roque Croes-Croes y famia
†Zr.Judith Croes
Vera y †Coco Thiel-Croes y famia
†Aurita Croes
†Nemencio Croes y famia
†Oscar y Chimina Croes-Boekhoudt y famia
Nelson y Jarmin Croes-Tromp y famia
Etlyn y Felix Boekhoudt-Croes y famia

Swa y cuñanan;
†Adela Ras y yiunan na Hulanda
Johanita Ras y famia
†Dominico Ras y famia
†Vera Ras y famia
†Alberto “Bety” y Lucita Ras-Kock y famia na Hulanda
†Berta y †Martin Jansen y famia
Rita y Lorens Maduro y famia
Alida y †Roland Thijssen y famia
Eli y Adi Ras- Willems y famia
Reina y Adrian Oduber y famia
Elfa y Ali Maria y famia
Mirta y Roland Danje y famia
Johnny y Camille Ras y famia

Su ihanan; Michael Croes, Gwendeline Ras-Croes,
Gisella Ras, Sandy Croes

Ayudantenan na cas; Giorgina Dual y Cecilia
Morales

Amiganan di cas; Yona, Melva Zandaam, Josefina
Rojas-Ortega, Angelica Rojas, Theresita De Cuba

Demas famia, primo y primanan, sobrino y
subrinanan, comer y comper, bisiañanan, amigo y
amiganan, ex coleganan di Hospital y demas famia na
Aruba y Hulanda

Ta keda cordialmente invita pa e **acto di entierro** cu
lo tuma lugar diasabra 7 di Juni 2025 na misa Santa
Filomena di 9:00 am pa 11:00 am, despues lo Sali pa
Santana catholicon a Paradera

Despensa nos si den nos tristesa nos por a lubida un of
otro persona.

Ta lamenta cu despues di entierro nos nota ricibi bishita
di condolencia na cas.

Aurora
Royal Pray
Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den
Bo braza
Ya no tin scuridad
Unicamente Bo Luz briyando

Cu dolor na nos curason, nos ta
participa fayecimento di nos ser
stima:



Sra. vda. Edna R. Meelis-Arendsz

Cariñosamente yama Mama, Oma, Omi y Na
*03-09-1933 - †30-05-2025

Esposo: †Johan Martin “Jan” Meelis
Yiunan: Marcel y Maristella Meelis-Geerman
Gisèle y Ramsay Acosta-Meelis
Rouel y Malyce Meelis-Koolman

Nieto- y nietanan:
Ghislaine y Niel Merckx
Jean-Martin Meelis y Ashley Rodulfo
Isabelle Meelis
Christian y Gabriëlle Acosta
Elise y Sophie Meelis
Bisanietanan:
Ava Maduro
Cecile Merckx

Rumannan:
Walter y †Ella Arendsz-de Cuba y famia
Erica Arendsz y famia
Edwina y John Fellerhof-Arendsz y famia
Eric y Wina Arendsz-Kock y famia
Franklin y Ineke Arendsz-Rijnders y famia
Aura y †Juan de Cuba-Arendsz y famia
†Diana y Remigio Wever-Arendsz y famia
Edwin y †Rita Arendsz-Croes y famia
Imelda y Jorge Medina-Arendsz y famia

Sobrina y sobrinonan:
Randolph Arendsz y Jourainne Tromp
Gina y Raymond Habibe y famia
Aldrick y Ilse Arendsz y famia
Jane y †Chris Lanooy y famia
†Juni y Rita de Cuba y famia
Suzette y Bambi Maria y famia
†Rene y Olivia de Cuba y famia
Franklin Lin y Susan Kifer
Michael y Mariska Lin y famia
Alwin Lin y Sharyn Toner
Remi Wever y Sherel van Cleef
Raymond y Marelva Wever y famia
John Jr. Fellerhof y famia
Irwin y Shelly Arendsz y famia
Egbert Arendsz
Ylonca y Jean-Pierre Zimmerman y famia
Echi Arendsz y Stephanie Angela y famia
Yordan y Mariangella Geerman y famia
Derick Arendsz y Carla Gomes y famia
Anthony Medina
Gino Arendsz y Annemarie Kuus
Alissa Arends y Mathijs Alderlieste

Sua y cuñanan:
†Gerda y †Harry Soudant-Meelis y famia
†Leny y †Herman Koster-Meelis y famia
†Joke Meelis y famia
†Francine y †Ben Geerars-Meelis y famia
†Huub y †Netty Meelis-Tummers y famia

Famia:
†Alé y †Ina Geerman
Frido y Margo Koolman
†Boy y †Evelina Acosta

Amiganan di cas:
†John y Diet Booi
Frido y †Rica Bernadina
Ronny y Andrea Tchong

Ihanan
Demas famianan, amigonan y conocirnan

Diahuebs 5 di juni 2025 di 7.00 p.m. te 9.00 p.m. tin oportunidad
pa duna **condelencia** na Royal Funeral Home na Cumana. Nos
lo **despedi** di nos stimada Edna diasabra awor dia 7 di juni 2025
di 1.00 p.m. te 3.30 p.m. na Pro Catedral San Francisco de Asis
na Oranjestad, despues tin un Santo Sacrificio di Misa. Nos lo
compaña Edna pa su ultimo lugar di sosiego na Santana Sabana
Basora.

Despues di intiero lamentablemente nos lo no por ricibi bishita
na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa”.
Salmo: 23



A bai sosega den brasa di Papa Dios, Nos ruman, omo, tata, welo y amigo stima:

Mario Presentacion Morel
mihor conoci como “Mai”
★ 21-11-1940 †27-05-2025

Number di su:

Mayornan:

†Hose Secondino Morel y †Hipolita Morel-Paesch

Yiunan:

Mario Willems
Raquelita Willems
Nathaly Haseth

Yiunan di criansa:

†Dolores Willems
Rosita Willems
Maria Willems

Nietonan: Alexander Dubero y Keana Hareigan, Ashwin Willems, Giovanni Willems, Kevin Willems y Steffanie Wernet, Shanthelyene Vrolijk y Mark Kock, Zayrenne Vrolijk

Bisanieto/a nan: Marry, Alyenne, Chealy, Zyzy, Yshaquiene, Yadon, Kelvin, Zinady, Zane, Elijah

Rumannan:

†Marina y †Francisco Angela-Morel
†Reinato (Dato) y †Catrien Morel-Martin
†Theresita y †Hose Quant-Morel
†Rosarita y †Edison Wiersma-Morel
†Secondino Morel
Francisca y †Jack Hatt-Morel
†Anna y †Hendrik Calmes-Morel
†Filomena Morel y Edwin Tromp
Anna y Ronnie Cornelie - Morel
†Rafael (Faito) Morel
†Alfredo y †Lydia Lambertus-Matos
†Bellogracio Everon

Mama di su yiunan: Helena Haseth

Subrino(a)nan: Brigida (Poppy) Angela, Elva Angela, Vera Angela, Efraim Angela, Raymond Angela, Edwina Scholten - Angela, Eldrid Angela, Jacqueline Morel, Francisco (Papito) Morel, Michael Quant, Leticia Quant, Ruthmila Quant, Susanita (Susy) Wiersma, Rosaline Hatt, Vilma Calmes, Victor Calmes, Rosa De Lima Winklaar, Editha Lopez - Lambertus, Alfredita Matos, Maria Croes, Herman Everon, Marcia Angela, Eveline Vasquez y Ronnie Everon na Hulanda

Primo y primanan, comer y compernan, ihanan, bisña, conocirnan, su ex- coleganan di UPA/ASTEC y amigonan di Dijspie's Place y demas famianan Morel, Paesch, Willems, Haseth, Dubero, Vrolijk, Croes, Wernet, Kock, Maduro, Hareigan, Marin, Geerman, Yrausquin, Angela, Martin, Quant, Wiersma, Hatt, Calmes, Cornelie, Lambertus, Everon, Winklaar, Lopez, Matos, Henriquez, Raaz, Ras, Lugo, Erasmus y Van Ierland.

Acto di entierro lo tuma lugar Diahuebs 5 Juni 2025 pa 4'or di atardi saliendo for di Misa Pro Cathedral San Francisco y despues pa Santana di Sabana Basora

Nos defunto lo ta reposa for di 2'or pa 4'or atardi den Misa Pro Cathedral San Francisco sigi pa respons.

Nos ta pidi nos disculpa si den nos tristesa nos por a lubida algun persona of famia.

Despues di entiero no lo ricibi bishita di condolencia na cas.

Aurora

Royal Pray

Funeral Home & Crematory

Met intens verdriet, maar dankbaar dat zij zo lang in ons midden mocht zijn, nemen wij afscheid van onze geliefde



Yvonne Helena Elisabeth Hocks
★01-09-1956 - †01-06-2025

Namens haar:

Echtgenote: Harrie

Kind: Omaira

Kleinkind: Zoë

U kunt **afscheid nemen** van Yvonne en de **familie condoleren** op donderdag 5 juni 2025 tussen 19.00 uur en 21.00 uur bij de Aurora Funeral Home.

Gelieve geen bezoek aan huis.

Aurora

Royal Pray

Funeral Home & Crematory

Lagrima y floran por seca, su recuerdonan y tur loke el a haci y significa pa nos, cu lo keda graba pa semper den nos mente y curason.

“Cerca Dios mi alma ta na paz, ta di DJE mi salvacion ta bin”
Salmo 62:1

Cu tristesa na nos curason y conforme cu voluntad di Dios, nos ta anuncia fayecimento di nos ser stima:



Sofia Carolina Peterson
Cariñosamente yama “Fia”
8 19-09-1943 - †01-06-2025

Acto di entiero lo wordo anuncia despues.

Misa di parlamentario di Tanzania cera despues di acusacion di abuso di derechonan humano contra gobierno



(AP) - **Autoridadnan di Tanzania a kita un registro di misa cu ta pertenece na un parlamentario di partido na mando despues cu el a acusa e gobierno di violacionnan di derechonan humano prome cu eleccion di october.**

Josephat Gwajima su misa Glory of Christ den e capital comercial, Dar es Salaam, tabata cera pa polis diamars despues cu centenares di miembro a presenta protesta contra e anuncio.

Tanzania su registro di sociedadnan a skirbi un carta cu ta kita e registracion di Gwajima su misa, bisando cu su sermonnan tabata den contradiccion di conducta acceptable di organisacionnan religiooso.

E parlamentario dia-domingo ultimo a haci yamado na e gobierno pa loke e ta yama detencionnan y desaparicionnan, advirtiendone su miembronan pa tene cautela.

Su mensahe a bini dianan despues cu un activista di Kenya y su colega di Uganda a acusa polis di Tanzania di detene y tortura nan despues di detene nan prome cu e lider di oposicion Tundu Lissu su caso sigui den corte.

E pueblo ta na caminda pa elegi un presidente y parlamentarionan den october, y e partido na mando, CCM, tin desde Tanzania su independencia den 1961

na mando. E partido den oposicion principal, Chadema, tin tempo ta haci yamado pa reformanan electoral prome cu e eleccion.

Gwajima a keda eligi den 2020 despues cu el a keda promovi pa e presidente den e tempo aki, John Magufuli. Su popularidad a aumenta durante e añanan y e ta mira como un critico vocal di e Presidente Samia Suluhu Hassan, ken ta cherciendo e funcion di Magufuli desde cu el a fayece durante su termino.

Hassan ta participando den e eleccion di october y ta acusa di silencia su criticonan despues cu lidernan di oposicion a keda deteni den lunanan. E tabatin un tono di reconciliacion durante su prome dianan den oficina y a retira un prohibicion di 6 aña contra mitinnan politico cu Magufuli a impone.

Su tono a cambia den lunanan recién mientras e tabata adverti contra activistanan cu ta bay Tanzania pa e lider di oposicion su caso, bisando cu e no lo permiti nan destrui e pais. Algun activista a keda deprota na Kenya asina cu nan a yega Tanzania y e gobierno di e pais no a duna splicacion pa cu e motibo di e deportacion.

Gruponan defensor di derechonan incluyendo Amnesty International a urgi Tanzania investiga e abusanan di derechonan humano contra activistanan.

Huesnan di apelacion na ICC ta aproba prome audiencia den ausencia tocante lider rebelde Ugandes Joseph Kony

(AP)—Huesnan di apelacion na e Corte Penal Internacional (ICC) a duna aprobacion diamars pa e prome audiencia di e tribunal den ausencia por medio di tuma e proximo stapnan den procedemento contra lider rebelde y fugitivo Ugandes Joseph Kony.

E corte na Den Haag a planea un audiencia di confirmacion di cargo durante cual fiscalnan lo presenta evidencia den september pa prueba e cargonan di crimen di guerra y crimen contra humanidad contra Kony, a pesar cu ningun hende sa unda e ta.

Kony, lider di e Lord's Resistance Army, ta enfrente decenas conteo di crimen contra humanidad y crimen di guerra, incluyendo asesinato,

slavitud sexual y abuso sexual.

E reglanan di ICC no ta permiti huicionan completamente den ausencia pero por den algun circunstancia continua cu un confirmacion di cargonan hasta si e sospecho no ta den custodia.

E abogadonan di Kony apunta pa e corte a argumenta cu su derechonan di huicio husto lo ser viola si e procedemento continua sin nan cliente. Hues Erdenebalsuren Dandin a bisa cu e corte tin "proteccionnan adecuadamente robusto" pa sospechosonan pa permiti cu e audiencia di confirmacion di cargo tuma luga den ausencia.

E caso a ser considera como un medida tentativo pa e corte sigui dilanti cu otro



casonan unda e sospechoso no ta den custodia, manera prome minister Israeli Benjamin Netanyahu of presidente Ruso Vladimir Putin.

Sinembargo, e decision di Kony a ser limita pa situacionnan unda e persona busca a huy for di custodia di ICC

y no por ser haya mas, segun Luigi Prospero, un experto den ley criminal internacional na Utrecht Universiteit. Kony "ta un situacion hopi peculiar," el a conta AP.

Kony a bira mundialmente conoci na 2012 ora un video tocante su supuesto crimen-

nan a bira viral. A pesar di e atencion y esfuersonan internacional pa captur'e, ainda e ta liber.

LRA a cuminsa su atakenan na Uganda den añanan 1980, ora Kony a busca pa kita e gobierno. Despues di ser pusha for di Uganda, e milicia a terrorisa pueblonan den Congo, Republica Centro Africano y Sur Sudan. E tabata conoci pa usa soldadnan infantil, mutilando victimanan y esclavisa hende muhe.

Na 2021, e corte a condena Dominic Ongwen, un soldad infantil cu a crece pa bira un comandante di LRA di decenas crimen di guerra y crimen contra humanidad, for di varios asesinato pa matrimonionan forsa.

Mongolia ta enfrente incertidumbre politico despues cu prome minister ta retira

(AP)—Mongolia ta enfrentando incertidumbre politico despues di e retiro trempa diamars di su prome minister tocante corrupcion endemico den e pais Asiatico, posiciona entre China y Rusia.

Prome cu el a perde e voto di confiansa den parlamento, prome minister Oyun-Erdene Luvsannamsrai a adverti cu su renuncia por mina e democracia inexperiencia di Mongolia. E voto ta sigui varios siman di protesta causa pa reportahenan di gastamento excesivo pa su yiu homber y yamado pa e retira.

E reportahenan, cual a cita joyas caro y biahenan den helicopter pa e compañeronan femenino di su yiu homber, a subraya e buraco grandi entre ciudadanonan di Mongolia cu a bira extremadamente rico for di e exportacion di e pais, y e resto di e poblacion bibando den pobreza.

Aki ta un bista pakico loke ta pasando na Mongolia ta importante:

Un democracia inexperiencia entre dos poder

Mongolia, un pais di aproximadamente 3,3 miyon hende, ta comparti frontera cu Rusia den e norte y China den e

parti sur. Su montañanan alpino cu desiertonan enorme tin un deposito grandi di carbon, koper y otro recursonan natural usa den fabricacion di tecnologia.

E cuestion di ken ta beneficia for di e rikesa ta un asunto clave desde cu Mongolia a cuminsa negocia cu gigan-tenan den minamento—rumornan di acuerdonan den secreto y pagonan secreto a circula pa varios aña.

Despues cu Mongolia a deshaci di comunismo na fin di e Guerra Friu, el a perde pake-tenan di ayudo for di e Union Sovietico. Desde e tempo ey, e ta lentamente birando un democracia pero ta lucha pa preveni un caida den debe mientras e ta mantene interes Chines y Ruso leu.

China ta un bisiaña particularmente importante como cu su Partido Comunista ta compra 92% di Mongolia su exportacionnan.

Durante añanan, e capital di Ulaanbaatar a transforma su mes for di un ciudad di era Sovietico den un metropoli di centronan comercial y hotelnan luhoso.

E manifestantenan a bisa cu e rikesa mineral di e pais a beneficia interesnan empresario y esnan rico, mientras cu

hopi ciudadano ta biba den pobreza.

Diamars mainta, Oyun-Erdene a haya apenas 44 voto di sosten den e legislatura di 126 asiento, hopi mas abao cu e 64 cu e mester, segun e hefe di comision di conteo di voto, M. Narantuya-nara.

Oyun-Erdene a acepta derota, bisando cu tabata un honor pa sirbi e nacion durante e pandemia di coronavirus, e guerra di Rusia na Ucrania y e lucha andante cu tarifanan di Merca. Pero tambe el a adverti cu e menasa di un "net di haraña"

di interes special cu el a bisa ta trahando pa mantene e pueblo atras.

Kico lo pasa awor?

Oyun-Erdene, ken a goberna cu un gobierno di coalicion, lo keda prome minister te ora cu el elige un reemplazo den parlamento, mas probable for di e rangonan di legislador-nan di oposicion.

Esnan cu ta elige su sucesor lo mester probablemente busca tambe un plataforma cu lo satisfice e demanda di e clase mas jong y bon educa cu a lidera e manifestacionnan. Esey por inclui siguiendo di-

lanti cu un fondo di soberania nacional introduci recien pa miho yuda e partimento di rikesa.

Cu su retira, Oyun-Erdene a defende su integridad pero a bisa cu el a haci e eror di "no duna suficiente atencion na asuntonan politico interno y social." Tambe el a adverti di inestabilidad politico, bisando cu "e por causa e publico perde confiansa den parlamento y posiblemente pone den sistema di parlamento democratico na riesgo di un caida."



Despues di accion recien contra Airbnb

Gobierno Spaño ta bisa cu mercado di vivienda no ta un 'free for all'

(AP) - Gobierno di Spaña tabata kier manda un mensahe luna pasa cu su accion contra Airbnb: cu e economia Spaño y su mercado di vivienda no ta un "free for all" cu ta balora ganashi mas cu autoridad, un minister a expresa na The Associated Press diamars.

E gobierno a duna ordo na Airbnb pa kita casi 66,000 cas na huur for di e plataforma, cual segun e gobierno ta den violacion di reglanan local pa medio di no nombra su numbernan di licencia, pone e number di licencia incorrecto of no specifica e doño di e apartamento. Airbnb ta apelando e decision.

Spaña ta un di e paisnan mas bishita na mundo. Aña pasa, e pais Sur Europeo di un poblacion di 49 milyon, a ricibi un record di 94 milyon bishitante internacional.

Sinembargo un problema di vivienda accesible cu ta particularmente grave na ciudadnan manera Madrid y Barcelona a causa rechazo creciente na huurnan di vakantie pa termino corto. Airbnb ta posiblemente e ac-



tor mas conoci y visible.

E gobierno Spaño ta bisa cu ambos ta relaciona: e subida di Airbnb y otro companianan di huur y e costo di vivienda y huur pa cas den aumento. "Obviamente tin un conexion entre e dos hechonan aki," minister di Derecho di Cosumidor Pablo Bustinduy a conta AP. "E no ta un relacion linear, e no ta e unico factor afectando e tin varios otro, pero e ta obviamente un di e elementonan cu ta contribuyendo."

Un rapport recien di Bank of Spain a bisa cu e pais tin un escasez di 450,000 cas. Den e hot-spot turistico di e islanan Canario y Balearic, mita di e vivierendanan disponible ta

acomodacion pa turistanan of propiedadnan cu ta pertenece na personanan cu no ta residente, segun e rapport.

"Turismo ta seguramente un parti vital di e economia Spaño. E ta un sector strategico y importante. Sinembargo di mesun manera cu tur otro actividad economico, e mester ta haci den un manera sostenible," Bustinduy a bisa. "E no por pone den peligro e derechonan constitucional di e pueblo Spaño. Nan derecho na un hogar pero tambe nan derecho na bienestar."

E pais a mira varios manifestacion grandi cu a atrae miles di persona pa exige mas accion di gobierno riba vivienda. Posternan cu ta inclui



uno bisando "Saca Airbnb for di nos barionan" na un marcha recien na Madrid ta señala cu e rabia ta creciente. "Mester haya un balans entre e derechonan constitucional di e pueblo Spaño y actividadnan economico en general," Bustinduy a bisa.

Gobiernonan regional na Spaña tambe ta atacando e problema. Aña pasa, Barcelona a anuncia un plan pa cera tur 10,000 apartamento licencia den e ciudad como propiedad di huur di termino cortico pa aña 2028 pa asina salbuardia e suministro di vivienda pa residentenan full-time.

Airbnb a bisa cu mientras e apelacion ta pasa door di corte, ningun propiedad na huur lo keda inmediatamente kita for di e website.

Den respuesta na Spaña su orden, Airbnb a bisa cu e plataforma ta conecta doñonan di propiedad na esnan cu ta huur pero e no tin obligacionnan di supervision, aunque e ta rekeri e anfitriónnan demostra cu nan ta cumpli cu leyman local. Bustinduy a bisa cu Spaña su accion recien ta refleha un deseo na spana, pero tambe otro caminda, pa tene companianan tecnologico manera Airbnb na cuenta.

"Tin un bataya andando tocante responsabilidad," Bustinduy a comenta. "E

naturalesa digital di e corporacionnan multinacional extraordinariamente poderoso no mester ta un excusa pa falta di cumplimento cu regulacionnan democraticamente estableci."

Bustinduy, ken ta pertenece na e coalicion den gubernacion su partido isquierdista Sumar, a descarta e idea cu e gobierno Spaño su accion contra Airbnb lo desencurasha turistanan di bishita e pais.

"E lo encurasha estadianan mas largo, e lo encurasha turismo responsable y lo preserva tur cos cu nos tin den e pais bunita aki, cual ta e motibo dicen tanto hende kier bini aki," el a comenta.

E minister tambe a critica aerolineanan di costo abao. Spaña a pusha contra permiti e tipo di aerolineanan aki cobra pasaheronan pa ekipahe di man. Aña pasa, el a duna boet na 5 aerolinea, incluyendo RyanAir y easyJet, un total di 179 miyondollar pa ekipahe di man.

"E principio tras di e accionnan aki semper ta mescos: proteha e derecho di consumidornan," Bustinduy a bisa. "Corporacionnan poderoso, sin importa con grandi, mester adapta nan modelo di negoshi na regulacionnan existente."

**GANAR UN
DIY KIT PA**

**DIA DI
TATA**

Haci bo compras
cerca nos pa dia
di tata y bo tin
chens pa gana e
ultimate DIY kit!

Campana ta valido entre 2 cu 14 di juni.
E ganador lo wordo anuncia dia 16 di juni 2025.

SHOP NOW
Avenida Millio Croes 41
(+297) 280 0222

electro ★